





Biên B. IV. 13

Biblioteka
Ojców Kamedulów
w Bieniszewie

E

R
C
ET
R
N

A
S
m
p

S

P

P

BELLATOR CHRISTIANUS:

HOC EST
RATIO CHRISTIANE, PIE, FELI-
CITERQUE BELLA ET APPARANDI
ET GERENDI, SUMMORUM IMPERATO-
RUM, REGUM, ET ALIORUM CHRISTIA-
NORUM DUCUM EXEMPLIS EXPRESSA,
ET NOTIS BREVIBUS
ILLUSTRATA.

*Accesserunt SS. AMBROSII & AUGU-
STINI militaria monita: Vetus præterea Ro-
manorum militaris Disciplina à Josepho descri-
pta: nec non Precatiuncula militares ex sa-
cris literis, potissimum Psalmis Davi-
dicis petita.*

AUTHORE
R. P. MATTHÆO BEMBO,
Soc. JESU Doctore Theol.
SUMPTIBUS ET EXPENSIS SERENISSIMI
JOANNIS III.
POLONIARUM REGIS D. D. CLEMEN-
TISSIMI REIMPRESSUS

OLIVÆ
Pet. JOANNEM JACOBUM TEXTER, Factorem,
ANNO DOMINI M. DC. LXXXVIII.

Petrus Jacobus Texter

1. Machab. 3.

Surrexit Iudas & adjuvabant eum universi,
qui se conjunxerant patri ejus, & praelia-
bantur praelium Israël cum letitia. Et di-
latavit gloriam populo suo: & induit se lo-
ricam sicut gigas, & succinxit se arma bel-
lica sua in praeliis: & protegebat castra gla-
dio suo. Similis factus est leoni in operibus
suis, & sicut catulus leonis in venatione. Et
persecutus est iniquos, & qui perturbabant
populum suum, & repulsi sunt inimici ejus
præ timore ejus, & directæ est salus in ma-
nu ejus, & letificabat Jacob in operibus
suis: & in seculum memoria ejus in be-
nedictione.

D. AMBROSIIUS Sermone 66.

Non est delictum militare; sed propter
prædam militare peccatum est.

Idem libro 1. de Fide ad Gratianum.

Vincere parat, qui Fidem vindicat.

D. AUGUSTINUS epistola 202.

Pacem debet habere voluntas, bellum ne-
cessitas.

Idem Ibidem.

Valde turpe est, ut quem non vincit
homo, vincat libido; & obruatur vino,
qui non vincitur ferro.

THEODOSIUS Imperator.

Imperatoria acies stat non armis, sed
causis.

JUSTINIANUS Imperator.

Benè gubernat humana, cui prius di-
verint.

SERENISSIMO PRINCIPI
AC
DOMINO, DOMINO
LADISLAO SIGIS-
MUNDO,
POLONIÆ AC SVECIÆ PRINCIPI,
DOMINO, DOMINO CLE-
MENTISSIMO.

SALUTEM ET FELICITATEM.

Rosificenti tibi, PRINCEPS
Serenissime DEI Opē. Max: nu-
tu, ac S. R. M. Parentis tui de-
sideratissimi, totiusque Reipub.
voluntate, ad fines Regni pacan-
dos, hostiumque finitimorum bella propulsanda,
simul res Moscoviticas componendas, & Magnum
gentis illius Ducatum obtinendum; satis scio non
defuturos ex tanta Regni nobilitate, qui se tam
necessaria & gloriosa expeditionis comites ad-
jungant: Et cum nascenti gloriæ tuæ impensè fa-
veant, tum pro communi Ecclesiæ, Reiq; pub. bono,
se fortunâq; capitaque adeò sua libenter devove-
ant: Ex quibus hos centuriones, illos Signiferos,
alios cohortium tuarum Praefectos & Tribunos,
nonnullos etiam consiliorum tuorum conscios, sum-
maq;

EPISTOLA

maq̃ rei administros & moderatores sis habi-
 turus. Ego verò cum hac rei bene gerendæ non
 mediocria esse præsidia haud diffitear; bellaque
 viris & armis constare probè intelligam; alios ta-
 men insuper, non tam comites & auxiliares, quàm
 felicitis expeditionis tuæ Duces, ex variis Chri-
 stiani orbis partibus accersitos maximis aliquan-
 do imperiis bellisq̃ persunctos, rerumq̃ gestarum
 gloriâ florentissimos, Constantinos scilicet illos,
 Theodosios, Arcadios, Clodoveos, Ludovicos,
 Jagellones, Belisarios, Narseses, aliosq̃ im-
 mortalitati consecratos heròes tibi censui submit-
 tendos & commendandos. Quibus enim Duci-
 bus melioribus & sapientioribus juventus tua ad
 omnia summa nata, & singularibus naturæ do-
 ctinaque muneribus cumulata, tutius committi
 regenda potest, quàm his qui summis ipsi imperiis
 præfuerunt. & exercitus maximos sæpius ductâ-
 runt: multa bella gesserunt: cum potentissimis
 hostibus conflixerunt: memorabiles ex eis victo-
 rias reportârunt: deque profligatis tandem &
 subactis feliciter & gloriose triumphârunt; Hi
 tibi, PRINCEPS Serenissime consilio certo
 fidelique non ad gratiam tantummodò tuam
 excogitato, libenter præstoque semper aderunt,
 exemploq̃ adeo ipso, quod in bellis caput est, præ-
 ibunt

Ab

DEDICATORIA

Ab his tacentibus licet, unde bella auspicianda & gerenda, quæ disciplina in castris retinenda, quid in summo rerum discrimine potissimum faciendum, nullo tuo periculo, minimo etiam labore, quietus securusque intelliges. Horum ego nonnulla præclare gesta, ex probatis gravibusque scriptoribus bona fide collecta, verbisque ipsorum propriis exscripta, pauculis ad singula notis adjectis tibi, PRINCEPS Serenissime, quam demississimo animo offero, tuoque celsissimo nomini do dedicoque: tum quod id quicquid est exiguae operæ & laboris, Serenissimi Regis Parentis tui optimi maximis erga Societatem nostram beneficiis debere me intelligam; Tum quod tibi ipsi ob Regiæ tuam summisq; imperiis dignam indolem, ex animo quam optimè velim; tum denique quod te primum hoc immortalis gloriæ curriculum ingredientem omnibus divinis humanisque præstidiis esse quam instructissimum percipiam. Adjectis per pauca gravissimorum Doctorum, clarissimorumque Ecclesiæ Catholicæ luminum, Ambrosii & Augustini præclara militaria monita: veterem præterea Romanorum disciplinam militarem à Josepho breviter succincteque descriptam; nonnullas insuper per breves precatiunculas, ex divinis literis & psalmis potissimum excerptas.

EPISTOLA

Accipe igitur hoc primum munusculum meum,
PRINCEPS Serenissime, ea quæ tibi innata
 est propensa erga omnes humanitate: neque tam
 me respice, quàm illos quos tibi repræsen-
 to solis nominibus heroas illustres. Cum his esto, tuâq;
 communica: ad horum exemplum te compone.
 Vives & viues Dei Opt: Max: gloriæ, Ecclesiæ
 Catholicæ bono, Serenissimæ Domui tuæ ornamen-
 to, Regis deniq; Serenissimi Parentis tui longè
 optatissimi honori & consolationi. Vives aptus
 Regnis & imperiis, orbis Christiani decus, hostium
 formido pauorq;, bonorum deniq; omnium amor &
 deliciae. Deus te, **PRINCEPS** optime, quàm
 diutissimè saluum seruet & incolumem. Var-
 sarvia ex domo nostra, Cal: Maij, Anno Domini
 1617.

Serenitatis Tuæ humillimus
 in Christo servus.

MATTHÆUS BEMBUS.
 Soc. JESU.



BELLATOR CHRISTIANUS.

*I. Exemplum Constantini
Magri Imperatoris cum Maxentio
præliaturi.*

Ex Eusebio de vita Constantini, libro I.



CONSTANTINUS

Imperator, cum com-
perisset multò firmiore
contra Maxentium ty-
rannum præsidio sibi opus esse,
quàm quod res militaris suppedita-
re soleret, Deum quæsiuit sibi ad-

jutorem; ^a ratus auxiliis, quæ ex
armis & militum manu petuntur,
vix secundas tribuendas: at quæ
sunt ex Deo, nec viribus expugna-
ri, nec ulla frangi violentia posse.
^b Quocirca huius opem precibus
implorauit, hunc oravit, hunc ob-

Quæ auxi-
lia in bello
firmiora,

Visio divi-
nitatis oblata
Constantino.

S. Crucis
signum.

testatus est, ut tum quinam esset, ipsi vellet significare : tum rebus quas apud animum proposuisset, dexteram velut adjutricem porrigere. Imperatori igitur ista precanti, obnixèq; flagitanti, visio quædam diuina, & inprimis admirabilis apparuit. Cum jam sol ad medium cœlum ascendisset, die in pomeridianum tempus paululum inclinante, dixit se crucis signum ex lucis splendore figuratum, in ipso cœlo soli imminens manifestò oculis aspexisse, inque eo inscriptionem consignatam, quæ hæc verba complectebatur : IN HOC VINCES. Admiratio ingens ipsum, & totum exercitum, qui cum quoque iam iter facientem comitabatur, atque adeò hujus prodigij spectator factus erat, incescit. Se verò dubitatione admodum intra se distrahi, quid tandem illud ostentum sibi vellet, asseruit. Atq; illum diu multumq; de eo cogitantem oppressit nox. Ibi ei dormienti, Christum
Dei

CHRISTIANUS.

Dei cum signo in cælo monstrato
 visum esse, præcepisseque, ut ex-
 emplari ad imitationem illius signi
 quod in cælo apparuerat, fabricato,
 eo tanquam præsidio in præliis
 cum hostibus committendis utere-
 tur. Ille simulatque dies illuxit,
 surgens primum arcanum illud vi-
 sum amicis exponit: deinde artifi-
 cibus, qui aurum & lapides præ-
 tiosos assabre sculpere norant, ac-
 cersitis, medio inter illos loco assi-
 det, verbis signi describit effigiem,
 eam auro & lapidibus preciosis imi-
 tatione adumbrare mandat. Quam
 quidem effigiem contigit ut nos
 oculis olim contempnaremur; ipse
 enim Imperator, eam nobis osten-
 dere dignatus est. Constantinus
 ergo admiranda illa visione obstu-
 pefactus, nullum aliū Deum, quàm
 qui ipsi apparuisset, colendum esse
 statuens, sacerdotes & professores
 religioni & verbo illius initiatos
 accersit: quis esset Deus ille sciscita-
 tur: quid etiam sibi vellet visio illa,

A5 quæ

quæ de signo fuisset ipsi patefacta. Hi hunc Deum, respondent, Dei unius ac solius unigenitum Filium esse: signum autem quod apparuerat, immortalitatis notam esse, trophæumque victoriæ illius de morte reportatæ, quam olim cum in terra versabatur fuisset assecutus. Causas etiam docent ejus adventûs, accuratamque illius inter homines œconomix rationem ei suggerunt. His rationibus quanquam probè erudiebatur ille quidem, visionis tamen ipsius oculis subjectæ adhuc tenebatur admiratione. Atq; tandem, ubi cæleste visum cum sacerdotum interpretatione contulera, animo confirmatus fuit, pro certo persuasus, earum rerum cognitionem sibi divinitus oblatam esse, ac propterea in divinam sacram literarum lectionem, jam omni cura & cogitatione incumbere secum decrevit. Itaque primùm Dei, sacerdotibus sibi tanquam assessoribus assecitis, statuit Deum qui ipsi apparuisset, omni genere cultûs

Constantinus dedit se
lectioni sacrae scriptu-
re.

CHRISTIANUS. II

& observantiæ venerari. Deinde spe
 bona in illo posita firmè munitus, In Deo
specie locata.
 de cætero permagna cupiditate fe-
 rebatur, ardentis incendi; tyrannici
 faces, ad terrorem intentatas, pe-
 nitus extinguendi. Deo itaque mo-
 deratore sibi patrono ante oculos
 proposito, & Christo servatore
 adiutoreque invocato, ^d & salutari Jubet præ-
ferri exerci-
tui signum
crucis.
 signo, tanquam victoriæ trophæo
 ante armatos suos & satellites col-
 locato, cum toto exercitu proce-
 dit; Romanis libertatem, quam
 à majoribus acceperant, recupera-
 turus. Cum verò Maxentius e ma-
 chinis præstigiæ magis, quàm
 subjectorum benevolentia confide-
 ret, & nullo modo extra portas
 civitatis egredi ausus esset: & o-
 mnem locum, agrum, & civitatem
 etiam, quæ ipsius subiciebatur
 imperio, ingenti armorum mul-
 titudine, & infinitis copiis mu-
 nivisset. Imperator Constantinus
 DEI auxilio nixus, primam, se-
 cundam, & tertiam tyranni aciem
 ado-

12 BELLATOR

Maxentio
profligat.

adoritur & omnibus primo impetu perfacile subactis, universam prope Italiae peragrat regionem adeo, ut jam quam proximè Romam adventaret.

A *Tignus quovis bellatore Christiano sensus, existimare, auxiliis quae ex armis & militum manu petuntur, vix secundas tribuendas: at quae sunt ex Deo, nec viribus expugnari, nec ulla frangi violentia posse. Sic David bellator exi-*

Psalm: 43. *mius dicebat: Non enim in arcu meo sperabo, & gladius meus non salvabit me; sed dextera tua & brachium tuum.*

B *Unicuique bellatori ante omnia divinum auxilium est enixè implorandum.*

C *Solet interdum Deus Imperatores pios de futuro belli eventu felici, variis modis & rationibus facere certiores.*

D *Uusus signi Crucis in vexillis & labaris militaribus pius & salutaris.*

E *Nullis prestigiis vel auguriis va-*

nii

*nis & observationibus in bello utendum
vel fidendum.*

II. Exemplum ejusdem Con- stantini cum Licinio pugnaturi.

Ex Eusebio libro 2. de vita Constantini.

Constantinus consuetum mi-
litaris expeditionis contra
Licinium apparatus instituit, collocatis ante universa agmi-
na tam peditum quam equitum
labaris cruce insignitis. Precibus si-
unquam aliàs, jam etiam sibi opus
esse intelligens, ^a DEI sollicitabat
sacerdotes, ut semper cum ipso
versari, semperq; præsto esse vel-
lent, hosq; tanquam animæ custo-
des ducebat. ^b Servatori suo pre-
tes fundendi tempus vacuum &
solutum dicavit: ^c & crucis taber-
naculo extra castra etiam longissi-
mè fixo, ibi sinceræ & piæ me-
ditationi se dedens more veteris
illius DEI Prophetæ, quem extra
castra

Constanti-
nus ante
bellum pre-
cibus vacat.

Sacerdotes
præsto sibi
vult adesse

Taberna-
culum ora-
tionis cautè
figit.

Imitantur **castra tabernaculum fixisse divina**
 cum cæteri. **confirmant oracula, DEum orare**
 cepit. ^d Nonnulli etiam quos ipse
 ob fidei & pietatis studium
 satis spectatos habuit, in idem
 munus cum eo unâ incumbabant,
 hocq; etiam alias exequi ei erat
 in more positum, cùm bello cum
 hoste decertare constiueret. Nam
 sicut propter securitatem tardior
 in rebus gerendis fuit, ^e sic DEI
 consilio omnia administrare con-
 sultum statuit. Et cùm jam vacuo
 animo attentè DEO preces adhi-
 bebat, semper aliqua divina visi-
 one dignatus fuit: ac post illud
 tanquam divino instinctu impul-
 sus, ^e exiit è tabernaculo, & de-
 repente exercitum incitare cepit,
 mandavitq; ut nulla mora inter-
 posita ipsam gladiatorum aciem ex-
 perirentur. Qui ex improvviso hos-
 tes adorti homines cujusc; ætatis
 conciderunt: atque interdum pun-
 cto fere temporis parta victoria,
 trophæa contra hostes insignia sta-
 tuerunt.

Tardè res
 gerit ob se-
 curitatem.

Deo preces
 adhibet,

A preci-
 bus manus
 conferit.

vina tuerunt: Ad hunc modum Imperator etiam jam antea in præliis committendis, & seipsum gerere, & exercitum regere consuevit: quin etiam DEUM suæ ipsius animæ præponere & illius consiliis omnia transigere, & diligentemque adhibere cautionem, ne inter dimicandum fieret multorum cædes, unde non magis suorum, quam hostium saluti prospexit. Quapropter suos, cum fuissent in pugna victoriam adepti hortari solebat, ut captivorum misererentur: & cum homines essent, naturæ humanæ nequaquam eos caperet oblivio: atque si aliquando militum animos ferocios cerneret, auri munusculo eos refrenare, præcipereque ut qui aliquem ex hostium numero vivum cepisset, aliqua certi auri summa remuneraretur. Atque hanc velut illecebram ad hominum conservationem, Imperatoris excogitavit prudentia: adeo ut infiniti etiam ex ipsis barbaris incolu-

Vitat multorum cædes in prælio

Monet milites misericordiae erga captivos.

Aurum dabat militi hostem in acie vivum servant.

Continen-
tiam jungit
orationi;
nec non &
corporis af-
flictatio.
nem.

Victor
evadit.

incolumes evaserint, Imperatore
ipforum vitam auro redimente.
Quemadmodum igitur hæc, & in-
finita his similia, etiam aliàs Im-
perator facere consueverat: sic in
præsentia de more suo ante initum
prælium in tabernaculo separato,
tempus precibus ad DEUM fun-
dendis liberum addixit: ^k ab omni
licentia & vitæ ratione luxu diffu-
ente se sevocavit, inedia & corpo-
ris afflictatione seipsum còercuit,
utì DEUM sibi cum precationi-
bus supplicibus placatum, tum
benignum adiutorem haberet: ea-
que perageret, quæ DEUS esset
illius animo injecturus; Porro
autem, utpotè natura vigilans &
attentus permagnam Reipub cu-
ram suscepit, nec magis pro suo-
rum, quàm pro hostium salute pre-
catus est; ^m ac tandem cum hostes
gladiatorum aciem experiri velle cer-
neret, sublato & ipse clamore,
omnes eorum copias momento
temporis pedem referre còegit si-
mulq;

mulq; contra inimicos & dæmones
reportavit victoriam.

A Perutilis Sacerdotum in castris præ-
sentia, ad animarum milicum custodiam.

B Orandum statò tempore in castris.

C Mos erigendi in castris vel extra
castra religionis causa tabernaculum.
De eadem re ita scribit Sozomenus libro
1. histor. cap. 8. Constantius taberna-
culum Ecclesiæ figuram exprimens, cum
contra hostes prælio contenderet, secum
circumferre consuevit, ad eum finem, uti
neque sibi in solitudine vitam agentis,
neque exercitui deesset, ades sacra, in
qua quidem deberent DEum laudibus
efferre, precibus sollicitare, & sacra my-
stèria percipere. Nam sacerdotes & dia-
coni, qui secundum Ecclesiæ institutum
ista munera obirent, tabernaculum assi-
duè secuti sunt. Ex eo tempore milita-
res Romanorum ordines, singuli sibi ta-
bernaculum construxerunt, habueruntq;
secum sacerdotes & diaconos, ad rem
Divinam faciendam designatos. Hac
Sozomenus.

D Ad exemplum pii Imperatoris &
Ducis milites reliqui facile componuntur.

B

E Con-

E *Consulso per preces DEO, omnia in bello aggr edienda.*

F *Fructus piæ & religiosæ ad DEUM orationis promptum aliquod & expeditum ad res gerendas consilium.*

G *Vitanda quantum fieri potest multorum in pralio cades.*

H *Misericordiâ & clementiâ erga captivos utendum, tanquàm ejusdem humanæ naturæ consores.*

I *Ingeniosa illecebra clementissimi Imperatoris, aurum largiri militibus, qui hostem vivum in acie cepissent, ut hac axte hostium saluti consuleres, & militum ferociam temperaret.*

K *Orationi conjungenda in castris temperantia ab omni luxu, & voluntaria corporis per jejunium castigatio. Præstat enim milites, (ait quidam) in decoris armis & militaribus equis, quàm in scortis atq; convivii libidinem habere.*

L *Inignis Christiana charitas etiam pro salute hostium DEUM precari.*

M *Imperator oratione & aliis virtutibus munitus, facilem de hostibus repercat victoriam.*

III. Exemplum ejusdem ducentis exercitum contra Persas.

Ex libro 4. Eusebij de vita Constantini.

Cum de tumultu quodam barbarorum orientalium Constantinus audivisset: hanc sibi potestremam de illis victoriam reliquam esse affirmans, exercitum contra Persas educere properavit. Nam cum id plenè secū statuisset, militares ordines eduxit, & de expeditione cum Episcopis quos secum habebat, communicabat, existimans oportere ex his aliquos ad pietatis officia maxime idoneos perpetuò sibi adesse. Illi verò libenter quidem sequuturos se, nec vestigium ab eo discessuros, sed unà militiam obituros, & apud DEUM supplicibus votis se pugnaturos recipiebant. Hac ille voluntatum & studiorum professione vehementer delectatus, totius expeditionis quasi vestigia eis expressit, ac ad bellum illud suscipiendum tabernaculum interim ad Ecclesiæ similitudinem regia magni-

Euseb lib.
bro 4. de
vita, c. 16.
& 17.

Constan-
tinus cum
Episcopis
belli consi-
lia commu-
nicat, & se-
cumque du-
cit.

In taber-
naculo mi-
litari DEO
commen-

dat suam
expeditio-
nem.

Ad pacem
est propen-
sus.

Die Pas-
chæ perno-
stat in divi-
nis laudi-
bus.

gnificentia faciendum curavit, in quo DEO victoriarum datori, ipse cum Episcopis supplicaret. Interea verò Persæ cum Imperatoris animum de movendo bello famâ intellexissent, ac pugnâ cum illo congregi metuisent, oratores ad eum de petenda pace mittebant. ^a Ille vicissim (ut erat semper pacis amantissimus) legatos obviis ulnis accepit humanissimè: porrectâque dexterâ, amicitia cum illis foedus lubens inivit. Magna autem agebatur diei Paschæ eo tempore celebritas: ^b & Imperator cum cæteris pernoctans vota precesque DEO persolvebat.

A Imperator Christianus propensus esse ad aquam pacem, cum ab hostibus petitur, debet.

B Diei Paschæ religio, qualis apud veteres Christianos.

IV. Exemplum Constantij Imperatoris pugnaturi cum Magnentio.

Ex

Ex Theodoret: lib. 3. hist. cap. 3.

Constantius in expeditione belli Magnentiani universis militibus svasit, ^a ut divina secum mysteria communicare vellent, ^b semper enim incertum esse finem vitæ, multò autem maximè in bello, ubi tot undique millia telorum, jaculorum, hastarum, immitterentur; tot enses, gladiique vibrarentur, aliæque machinæ instruerentur, de quibus violenta mors inferri soleret, itaque unumquemque protiosa veste illa indutū esse oportere, quæ maximè illa in vita opus sit futurum. Quod si quis, inquit, noluerit hoc tempore ^c amiculum illud sibi circumdare, is nunc jam dimissus domum revertatur: ^d nam nisi mecum initiatis in bello socijs uti non volo.

Constan-
tius vult
milites in-
fideles ba-
ptizari.

Recusan-
tes ex ca-
steris dimit-
tit.

*A Per divina mysteria Baptismus
hoc loco intelligitur.*

B 3. Ea-

B Eadem ratio fovadet, ut milites ad Sacramenta Confessionis & sacrosanctæ Eucharistiæ alacres concurrant, utpotè de vita periclitaturi.

C Vestem baptismalem quæ à baptisatis indui solebat intelligit.

D Milites ejusdem religionis sub signa militaria cogendi.

V. Exemplum Theodosii senioris Imperatoris moventis contra Maximum tyrannum.

Ex Baronij annalium tomo 4. Anno Christi 388.

Theod. 1.
us exerci-
tum pietate
communis.

Profecturus Theodosius adversus Maximum, imprimis quibus valuit pietatis armis conatus est, conciliando sibi divinum Numen exercitum communire. Si quidem persentientis magni momenti opus, se aggredi, dubiam jacere aleam, remque tentare periculosam à DEO diversis modis sibi implorare suppetias laboravit, utpotè qui optimè sciret DEI munus atque diceret unà cum David, *In*
Psal. 43. Domino faciemus virtutem, & ipse ad
nihilum

nihilum deducet inimicos nostros. Sed & in eo maximè ejusdē pietas commen-
datur, quòd tanti ponderis prælum
auspicaturus, legatos in Ægyptum
misit ad sanctos ibi agentes Ana-
choretas, quos pro se certantes
precibus habere voluit pugnatores.
Inter alios autem^a Joannem san-
ctissimum monachū, quem S. Hie-
ronymus magnoperè laudat, per
eosdem consuluit de dubio belli
eventu. Cū præterea intellexis-
set, quòd in Scete (est autem hæc
solitudo in Ægypto quidē sita,
sic nominata) philosophabatur vir
quidam genere & ipse Ægyptius
nōmine Senuphius, maximorum
sanè effector miraculorum, scri-
bit protinus ad Theophilum Ale-
xandriæ Episcopum, jubens ut ef-
ficiat quod vir ille admirabilis quàm
primū veniat Constantinopolim.
Eis autem literis quoque contine-
batur, quòd ejus adventu opus ef-
fet. Ille verò, iis acceptis, statim
ad eum venit, & datis literis, pre-
ces Imperatoris & usum qui urge-

Anachore-
tarū preces
pro se expe-
tit.

Ad Ctesi-
phontem.

Hæc ad
verbum de-
scripta ex
Metaphra-
se die 31.
Januarij.

S. Senu-
phium ad
se invitat.

bat, significat. Deinde etiam ipse quoque ex se facit quod potest, vehementer rogat, orat, supplicat, ne preces despiciat Imperatoris, neque suos vilipendat labores, sed veniat ad civitatem, & bellum, quod in eam paratur, suis avertat precibus, & à tanto periculo & metu eam liberet, utpotè quod in ejus potestate situm sit, ut civitas vel salva sit, vel intereat. Admirabilis autem ille Senuphius primum quidem, ut consentaneum est, ne rogaret prohibuit, non ad mensuram ejus quam habebat gratiæ, sed ad mensuram potius ejus quâ erat dives humilitatis aspiciens: Magna est, inquit, mea in civitatem benevolentia, & ipsam valde salvam esse cupio: sed non voluntatem quoque vires sequuntur ex ea quæ est ad DEUM fiducia. Quin etiam rogavit ipsum Alexandrinum Episcopum, ne de eo talia sentiret, neque eum putaret vulgo antecellere. Cùm autem eum ipse omnino non dimitteret, nec

nec sciret, magnus quidnam faceret
 Senuphius: discessum quidem su-
 um pulchrè differt, dat autem sic
 quoque auxilium, idque facit ad-
 mirabilius. Nam & statim stetit
 ad orientem: & cum superhume-
 rale & baculum in coelum sustulif-
 set, Domine DEUS, inquit, DE-
 us exercituum, da huic meo super-
 humerali, & huic baculo, ut tantum
 possit quantum ego ipse, si illic
 adessẽm: Hæc cum DEO dixisset:
 quæ habebat in manibus, dat sta-
 tim Pontifici. Hæc accipe, dicens,
 & mitte statim ad Imperatorem:
 ille autem superhumerales quidem
 imponat capiti, baculum verò ma-
 nu ferat: deinde, cum manus opus
 fuerit conferere cum hostibus, præ-
 cedat omnes alios, & audacter
 procedat adversus inimicos. Nam
 si ego quidem possim à DEO ex-
 audiri, existimo fore, ut ipse sit
 illis terribilis, & sine sanguine glo-
 riosam referat victoriam. Hæc
 cum ad Imperatorem lubenter es-
 sent allata: ^b ille quidem munit

S. Senu-
 phius mittit
 superhume-
 rale suum
 & baculum
 Theodosio.

Theodosi-
us libenter
& humili-
ter accipit
& utitur.

Fugat ho-
stes.

caput superhumerali quavis galeâ
tutius, baculo autem munit dexte-
ram lancea longè validius, & hac
ratione confidens fore ut hostibus
videretur terribilior, quàm olim
(ut ajunt) clavâ Hercules. Jam acce-
dentibus hostibus, ipse primus præ-
cedit ducens totum exercitum.
Propter Senuphij autem ad DEum
orationem nulla erat dilatio, sed
res statim finem accipiebat. Si-
mul ac enim eum viderunt bar-
bari, admirati ipsum tanquam
unum ex cœlestibus, ad fugam sta-
tim spectabant, & pedum virtu-
tem laudabant: fugiebant verò non
aliquo certo ordine, (ut qui non
essent omnino obliti virium) sed
ut qui essent amotæ mentis & per-
territi, alij aliò dispersi, terga vo-
lentibus facilia, expedita venatio,
secura persecutio, & libera ab om-
ni periculo: ipsi potius propter
fugam, quæ erat sine ullo certo
ordine, plagas & vulnera atque
adeo mortem sibi invicem conci-
liantes: adeò ut Imperator non so-
lùm

lùm
ullo
lerit.

A
lib. 5.
odofiu
suarum
sacril
in A
servu
fama
ab eo
cepit

B
perat
fiduc
dis i
bita
rali
gale

odo
ger
Ex

T

hūm sine sanguine, sed etiam sine
ullo labore hanc victoriam retu-
lerit.

A Memorat idem factum S. August.
lib. 5. de civitate DEI, cap: 26. The-
odosius, inquit in angustiis curarum
suarum, non est lapsus ad curiositates
sacrilegas atq; illicitas; sed ad Joannem
in Aegypti eremo constitutum, quem Dei
servum prophetandi spiritu præditum,
fama crebrescente didiccrat, misit, atque
ab eo nuntium victoriæ certissimum ac-
cepit. &c.

B Mira animi demissio tanti Im-
peratoris, singularis præterea in DEum
fiducia, quâ nixus penè inermis, Davi-
dis instar Goliath adorientis, non du-
bitavit plus vili monastico superhume-
rali & baculo, quàm ferreo thoraci &
galeæ tribuere.

VI. Exemplum ejusdem The-
odosii inituri certamen cum Eu-
genio tyranno.

Ex Ruffino lib. 2. Eccl. Histor. cap. 32. & 33.

Theodosius initurus certamen
cum Eugenio, primò DEI
volun-

voluntatem per Joannem monachum (de quo supra memoravimus) est sciscitatus. Tum ille qui primam de Maximo ei victoriam prædixerat incruentam, etiam hanc licet non absque plurima utriusque sanguinis inundatione promittit.

Theodosii
ad bellum
præparatio
pia & religi-
osa.

Igitur præparatur ad bellum non tam armorum telorumque quam jejuniorum, orationumque subsidus, nec tam excubiarum vigiliis, quam obsecrationum pernoctatione munitus circumibat cum sacerdotibus & populo omnia orationum loca: b ante Martyrum & Apostolorum thecas jacebat cilicio prostratus: & auxilia sibi fida sanctorum intercessione poscebat. Ubi ad pugnam ventum est, & conversas suorum acies vidit, unde & conspiceret & conspici ab utroque posset exercitu, projectis armis ad solita se vertit auxilia, & prostratus in conspectu DEI: c Tu, inquit, omnipotens DEUS nosti, quia in nomine Christi Filii tui ultionis justæ, ut puto, prælia ista suscepi, si secus, in

Plus ad
DEUM
precatio.

me

me vindica : si verò cum causa probabili, & in te confusus huc veni, porrige dexteram tuis, ne fortè dicant gentes, ubi est DEUS eorum? Quam supplicationem pii Principis certi à DEO esse susceptam hi qui aderant duces, animantur ad cædem: & præcipuè Bacurius, vir fide, pietate, virtute, & animi & corporis insignis, & qui comes esse & socius Theodosii mereretur, proximos quosque conto, telis, gladio, passim sternit, agmina hostium confecta & constipata perrumpit: iter per millia ruentium ad ipsum tyrannum, ruptis agminibus & accervatim fufis stragibus agit. Vix fortasse ab impiis credantur, quæ gesta sunt. Etenim compertum est, quòd post illam Imperatoris precē, quam DEO fuderat, ventus ita vehementer exortus est, ut tela hosti in eos qui jecerant retorqueret, cumque magna vi persistente vento omne jaculum missum ab hostibus frustraretur, fracto adversariorum animo, seu potius divinitus repulso,

Effectus
precum
Theodosii

Eugenium
capit.

so, Arbogasto duce necquicquam
fortiter faciente, Eugenius ante
Theodosii pedes vinctis post terga
manibus adducitur: ibique vitæ ejus
& certaminis finis fuit.

De eodem ex Theodoro lib. 5. hist. cap. 24.

Theodo-
sius per o-
rat in ora-
tione.

Theodosius, cum milites su-
os videret animis consterna-
tos, inventa âdiculâ deprecatoriâ
in montis vertice, ubi castrameta-
batur, e totam noctem in illa sup-
plicans omnipotenti Domino con-
suluit, Mane autem, quum galli
cantare solent somnus præter sen-
tentiam eum invasit, humique stre-
tus videre visus est duos viros
candidis vestibus, vectos albisequis
qui bono esse ipsum animo jube-
rent, & formidine pulsa, quum
illuxisset, armatum exercitum in-
structumque educere ad pugnam:
se enim missos opitulatores propu-
gnatoresque ipsius, esseque unum
Joannem Evangelistam, alterum
Philippum Apostolum. Hoc viso
conspecto à supplicando non de-

Joannem &
Philippum
Apostolos
adjutores
divinitus
accipit.

sticie

stitit Imperator; sed majore cum
 cura DEUM precabatur; Idem
 visum & militi cuidam oblatum
 fuit, qui cum centurioni indicâs-
 set suo, adducitur ad tribunum,
 & mox ad ducem. Is rei novitate
 motus, Imperatori nunciat. At
 ille. Non meâ, inquit, causâ hoc
 ipse vidit, ego enim promissioni-
 bus victoriæ fidem habui: sed ne
 quis putaret hoc visum à me confi-
 ctum esse, qui tantopere cuperem
 configere: itaque & isti demon-
 stravit opitulator imperii mei, ne
 testimonii autoritas deesset nar-
 rationi meæ. Mihi enim prius hoc
 visum communis Dominus obtule-
 rat. Quare omni formidine abje-
 cta, propugnatores & principes bel-
 li sequamur: nec quisquam victo-
 riam pugnantium multitudine æsti-
 met, sed ductorum consideret quis-
 que potentiam. Hæc & apud milites
 locutus, confirmatis omnium ani-
 mis copias de monte produxit.
 Tyrannus quoque de procul con-
 specto hoste, quem pugnaturum
 cerneret, suos instruit: ipse col-
 lem

Eugenius
 jubet sibi

adduci vi-
vum Theo-
dosium.

Ventus
miracolosè
concitatus
juvat Theodo-
sium.

Hostes ar-
ma abjici-
unt.

lem occupat: & jubetque duces vi-
ventem vinctumque Imperatorem
sibi adducere. Moribundus enim &
cupidus inquit, vitæ finiendæ no-
biscum ille congreditur. Sed jam
ordinibus constitutis, multis parti-
bus vincebant hostes numero, &
Imperatoris copiae ita constiterant,
ut posse numerari viderentur. Cum-
que jam pugna utrinque inciperet,
& tela conjicerentur, manifestam
promissionis suæ fidē fecerunt pro-
pugnatores illi. Coorta enim vis
contraria hostibus venti avertit sa-
gittas illorum, & balistas, ac hastas:
neque vllius teli usus erat: neque
legiones vel sagittarii, vel fundi-
tores nocere regis poterant copiis:
quin etiā illatus pulvis ingens in ora
hostium oculos aperire non sinebat:
cogebatque defensionem palpebra-
rum ad oppugnatos illos adduce-
re. At regius miles nullo affe-
ctus tempestatis tantæ detrimento
confidenter ad cædem hostium
grassabatur. Quare animadver-
sa, & perspecta divina opitula-
tione, abjectis armis ad peten-
dam

dam salutem hostes convertebantur. Quam leni animo rex concedens celeriter adducere ad sese tyrannum imperat. Ibi illi procurrentes ad tumultum quem tyrannus infederat, ignarus omnium qui jam incitados ac anhelantes advenire cernens, speraret properare ad se nuncios victoriæ. Quærit igitur annè & Theodosium victum, ut jussi sint, adducant. At illi: Non enim quidem nos, inquit, sed ad ipsum te adducimus. Hoc enim est imperium universum, hoc moderatissimum. Ita locuti de solio abrepto vincula injiciunt, & adducunt captivum illum, qui modò tam magnificè fuisset locutus. Tum rex memoriâ illi revocatâ delictorum in Valentinianum, & impia tyrannide, & scelcrato bello adversus legitimum imperium objecto, etiam Herculis exprobrata imagine, & vanâ fiduciâ illius, justam & legitimam contra eum sententiam pronunciavit. Sic erat Theodosius & in pace, & in bello

Eugenium
ipsum vi-
vum ad
Theodosi-
um addu-
cunt.

qui & semper peteret divinum auxilium, & nunquam illo fraudaretur.

De eodem ex Sozomeno lib. 7. hist: cap: 24.

Fertur de Theodosio, quòd cùm egressus Constantinopolim ad septimum milliare pervenisset, Deo preces nuncupârît in Ecclesia illa quam in honorem Joannis Baptistæ construxerat: ac petierat, ut expeditionis istius alea, tum sibi, tum exercitui suo, tum Romanis omnibus feliciter caderet: & auxiliarem sibi invocaverit ipsum Baptistam. Porro dum pugna committeretur, ex eo templo quòd erat in Hebdomo, in quo preces, fuderat Imperator, egressus dæmon quidam, subreptus in sublime Joanni Baptistæ convitiatus est, magna que voce clamavit. Tunc me vincis, & exercitui meo insidiaris? Huic rei qui fortè præsentibus aderant, cùm magnum esset apud omnes studium de bello vel audire aliquid vel dicere novi, obstupefacti adnotârunt eundem hunc fuisse diem,

Dæmonin.
videt victo
riam The
odosio.

diem, quo felicem belli eventum extitisse non multò post ab iis cognoverunt, qui pugnae interfuerant.

De eodem ex Baronio Anno Christi 393.

INTER alia digna memoriâ quibus divinum Numen sibi conciliare Theodosius studuit, illud etiam fuit, quo magnam excitavit admirationem: & summam concitavit sibi laudem: dum, quo tempore ad immensas bellorum expensas consueverunt Reges indicare nova tributa populis sibi subditis, ipse non modò ab his tantùm abstinuit, ut novas exactiones inferret, sed recens indictum tributum à Præfecto Prætorio Tatiano omnino remisit. Hoc rogo attendant, qui in bellico apparatu non largitionibus & eleemosynis preces pauperum sibi conciliant, sed eorum luctu ex acerbioribus exactionibus & clamoribus DEUM contra se provocant, & insensum penitus reddunt, secundum illud Davidis dicentis: *Propter misericordiam inopum & gemitum pauperum nunc ex-*

Theodosius ad bellum iturus tributa remittit populo.

Psal. II.

argam, dicit Dominus. Cum interdum contingat ea ipsos subditos pati à suis, quæ nec ab hostibus forent aliquando experturi. Unde accidit ut quantumlibet belli iusta causa præcesserit, cogatur tamen ut ita dicam, DEUS invitus in suos arma convertere, quæ in hostes exacuerat. Idem præterea Theodosius optima quæque mente agitans, ne quid indignum, quo Divina provocaretur vindicta, milites perpetrarent licentia militari, quo eos intra fines modestiæ contineret, rescripsit ad Comites, ^m ne milites à suis hospitibus lignum, aut oleum, culcitra^sve poscerent, aut pro annonariis speciebus pretium exigèrent. Et in eos, qui ditiorum sibi procurarent hospitia, ista sancivit: Si quis mentorum nostrorum manum quâ deputatas singulis quibusque domus enotant, & postibus hospitaturi nomen adscribunt, delere non dubitaverit, ad instar falsi reus teneatur.

Lenes m.
Stares fert.
NOTA.

Lib. 4. de
Merat. cod.
Theodos.
NOTA.

De eodem ex D. Augustino lib 5. de civit. DEL.

Cap. 26.

Theodosius Eugenium accepto prophético responso fide certus oppressit: contra cujus robustissimum exercitum magis orando quàm feriendo pugnavit. Milites nobis, qui aderant, retulerunt extorta sibi esse de manibus, quæcunque jaculabantur, cum à Theodosii partibus in adversarios vehemens ventus iret, & non solum quæcunque in eos jaciebantur concitatissimè raperet, verùm etiam ipsorum tela in eorum corpora retorqueret. Unde & Pœta Claudianus, quamvis à Christi nomine alienus, in ejus tamen laudibus dixit.

Oninium dilecte DEO, cui fudit ab astris

Se Jovis armatus: vehemēs tibi militat æther:

Et conjurati veniunt ad classica venti.

Victor autem, sicut crediderat & prædixerat, Jovis simulachra, quæ adversus eum fuerant nescio quibus ritibus velut consecrata, & in Alpibus constituta, deposuit; eorumque

C 3.

fulmi-

Partâ victo-
riâ Theo-
dosius libe-
ralis in mi-
lites,

Qualis er-
ga inimi-
cos.

Ecclesiam
Catholicam
adversus
haereses le-
gibus mu-
nit.

Observan-
tia ipsius
erga Eccle-
siam.

fulmina, quòd aurea fuissent, jocan-
tibus (quod illa lætitia permittebat)
cursoribus, & se ab eis fulminari vel-
le dicentibus hilariter benignèque
donavit. Inimicorum suorum fi-
lios, quos non ipsius jussus, sed belli
abstulerat impetus, & nondum
Christianos ad Ecclesiam confugi-
entes, Christianos hac occasione fi-
eri voluit, & Christianâ charitate
dilexit, nec privavit rebus, sed au-
xit honoribus. In neminem post
victoriam privatas inimicitias va-
lere permisit. Bella civilia non si-
cut Cinna, & Marius, & Sylla, &
alii tales, qui nec finita finire voluc-
runt; sed magis doluit exorta,
quàm cuiquam nocere voluit ter-
minata. Inter hæc omnia ex ipso
initio imperii sui non quievit justissi-
mis & misericordissimis legibus ad-
versus impios laboranti Ecclesiæ
subvenire, quâ Valens hæreticus fa-
vens Arrianis vehementer afflixerat,
cujus Ecclesiæ se membrum esse, ma-
gis quàm in terris regnare gaudebat:
simula-

simulachra gentilium ubique ever-
tenda præcepit, satis intelligens,
nec terrena munera in dæmonio-
rum, sed in DEI veri esse posita
potestate.

A *Christiana ad bellum præparatio.*
Haud dissimiliter olim faciebat Regius
Propheta, qui de seipso hæc ait: Ego
autem cum mihi molesti essent,
(subintellige hostes) inducbar cilicio.
Humiliabam in jejunio animam
meam, & oratio mea in sinu meo
convertetur.

B *Sancti quoque auxiliares in bellis Pa-*
troni sunt invocandi.

C *Tutissimum in perspicuo discrimi-*
ne ad DEUM per orationem perfugium.

D *DEUS & venti pugnant pro pio*
Imperatore contra hostes impios.

E *Mira in orando DEO Theodosii*
perseverantia, illi Davidicæ persimilis Psalm. 76.
qui de se ait: In die tribulationis
meæ DEUM exquisivi manibus
meis nocte contra eum, & non sum
deceptus.

F *Ejusmodi visiones crebro leguntur*
divi

2 Mach.
cap. ult.

divinitus belli ducibus oblata. Sic Judas Machabeus cum Nicanore pugnaturus vidit in somnis Oniam, qui fuerat summus sacerdos, manus protendentem, & pro omni populo Judaorum orantem. Vidit præterea Jeremiam Prophetam extensâ dexterâ gladium sibi porrigentem aureum, & dicentem: Accipe sanctum gladium munus à DEO, in quo deicies adversarios populi mei Israël.

Cromer.
lib. 9.

Sic noster Cromerus memorat, orante piissima Kinga Boleslai Pudici Polon: Principis uxore, pro exercitu cum Russis decertante, adstitisse ei duos candidatos, & futurum eventum belli prædixisse: creditumq; eos fuisse, SS. Gervasium & Prothasium, quorum memorie dicata erat dies illa, quâ pugnatum & debellatum est. Similiter

Cromer.
libro 19.

Leiscus Niger accepto nuntio de incursione Lithuanorum & Iazigum in Lublinensem regionē hostes persecutus: cum eos consequi non posset, sopor eum ex molestia animi & labore itineris fatigatum invasit: tūc ecce in somnis ab Archangelo Michael sponse certæ victoriæ confirmatus est, & barbaros persequi iussus. Respon-
die

dit eventus. *Victoria potitus Lescus Izigas deleuit : Lithvanorum maximam stragem edidit, ne uno quidem ex suis amisso. Victor reversus Lublini templum monumentum victoriæ suæ condidit ac D. Michæelis memoriæ dedicavit. Ita Cromer.*

¶ *Præsumptio superba victoriæ cavenda : Deus enim superbis resistit, humilibus autem dat gratiam.*

¶ *Superbus hostis id passus est Deo permittente, quod Theodosio fuerat minatus. Conversus est dolor ejus in caput ejus. Psalm: 7. Ita etiam Crutigeri bellum contra Wladislaum Jagellonem Poloniae Regem gesturi magnam vim catenarum ad vinciendo Polonos comparaverant. Sed malo suo primum eas experti, suisq; vinculis constricti sunt. Herburt. lib. 13. cap. 5.*

¶ *Herculis enim imago exercitum Eugenij precedebat : Theodosii verò Crux Salvatoris nostri signum præferebatur.*

¶ *Salutare consilium Divorum aliquem Patronum belli expetere. Sic Longobardi Catholici effecti S. Joannem Baptistam (Theodosium imitati) Pa-*

tronum sibi pacis belliq, apud Deum delegerant voto facto de certa pensione quot annis ad ejus oraculum mittenda. Paul. Diacon: lib. 4. de gest: Longobard. c. 7. Eodem modo Hungus Pictorum Rex D. Andream Apostolum, in cujus tutela gens Pictica erat, frequentibus suspiriis lachrymisq, orabat, ut exercitui ipsius contra Anglos auxiliaris foret. Soluta Regi intempesta nocte in soporem exemplo adstans Apostolus jussit alacri esse animo, plurimamq, spem in divina opo locare, fore ut gloriosam de Anglis postero die assequeretur victoriam. Mirum tunc accidit, Supra Pictorum castra lucida in cælo apparuit Crux, illius instar quâ S. Andreas supplicio erat olim affectus. Quam hostes conspicati, quippiam mali portento tali sibi præsagientes, ingenti pavore perculsi sunt. Ita Hungus victor è prælio discessit. Ex Hector: Boëtio libro 10. hist. Scotic.

Libro 4.
epi. 33.

L Juvat hoc loco annotare, quid de tributis, quæ occasione bellorum imponi gravia solent, D. Gregor: Magnus senserit. Cum enim audisset incolas Sicilia & Corsica duris exactionibus Præfe-
torum

eorum exhauriri, scripsit ad Constantiam
 Mauritij Imperatoris Coniugem epistolam,
 „ in qua inter alia ait: Hæc sunt piissi-
 „ mo Domino apto tempore suggerenda,
 „ ut ab anima sua, ab Imperio, atque
 „ filiis suis tale facinus peccatiq; pondus
 „ amoveat. Qui scio quoniam dicturus
 „ est, quia nobis in Italiæ expensis trans-
 „ mittitur, quicquid de prædictis insulis
 „ aggregatur. Sed ego suggero: ut etsi
 „ minus expensæ in Italia tribuantur,
 „ à suo tamen Imperio oppressorum cala-
 „ mitates compescat. Nam idcirco fortas-
 „ se tantæ expensæ in hac terra minus
 „ ad utilitatem proveniunt; quia cum
 „ peccat, aliqua admixtione colliguntur.
 Præcipiant ergo Serenissimi Domini nil
 cum peccato colligi. Nam scio, quia etsi
 parum Reipub. attribuitur utilitatibus, ex
 eo multum Resp: adjuvatur. Quam
 „ etsi fortasse contingat expensis minori-
 „ bus minus adjuvari; melius tamen est
 „ temporaliter nos non vivere, quàm vos
 „ ad æternam vitam obstaculum aliquod
 „ invenire. Ita sanctissimus iste & gravis-
 simus Pontifex censuit subditos non esse
 exactionibus nomine belli opprimendos,

rum

rum quòd iusto *DEI* iudicio minus Resp: adjuvetur pecuniâ huiusmodi exacti-
bus extorçâ; cum quòd satius sit minus
vestigalium *Rempub:* habere, quàm eos
qui præsunt de salute animæ ob injustam
subditorum vexationem periclitari. Quid
ergo hic Pontifex sensisset de exacti-
onibus per vim à militibus solitis extorqueri?

Flau. in
Aureliano.

M Extat epistola Aureliani Impera-
toris quam ad vicarium suum de militari
disciplina scripsit huiusmodi: Si vis
Tribunus esse, immo si vis vivere, ma-
nus militum contine. Nemo pullum
alienum rapiat: ovem nemo contingat:
uvam nullus auferat: segetem nemo
deterat: oleum, sal, lignum nemo exi-
gat: annonâ suâ contentus sit. De præ-
da hostis non de lachrymis provincialium
habeat. Stipendium in balteo non in po-
pina habeat: in hospitiiis castè se agat:
qui licem fecerit, vapulet. *Gc.* Marcus
etiam Scaurus prodidit pomiferam arbo-
rem, quam in pede castrorum fuerat com-
plexa metatio, postero die abeunte exer-
citu inactis fructibus à militibus relictam.

Front:
lib. 4. stra-
tag. c. 3.

Lamprid: Alexander quoque Severus Imperator
in Severo Parthicam expeditionem tantâ disciplinâ
tantâ

Resp: tanta reverentiâ sui egit. ut non milites, sed senatores transire dicerentur. Quacumq; legiones iter faciebant, tribuni accincti, centuriones verecundi, milites amabiles erant: ipsum verò ob hæc tot & tanta bona, provinciales vt DEUM suscipiebant. Theodoricus Rex Italiæ militum Præfecto in hæc verba præcipiebat: Non permittas milites esse possessoribus insolentes: annonas suas sub moderatatione suscipiant. Pro securitate omnium se agnoscat electum, qui se gloriatur habere armatum. Et alio loco: Milites tibi commissi vivant cum provincialibus, jure civili: nec insolescat animus, qui se sentit armatum; quia clypeus ille exercitus nostri quietem debet præstare Romanis. Quos ideo constas appositos, ut intus vita felicior, securalibereate carpatur. Et iterum: -Ve nientium vestrum ad nos (alloquitur milites) nullus provenire possit excessus nec possessorum segetes aut prata vastetis: sed sub omni continentia properantes, ut de custodita disciplina grata nobis esse vestra occurso possit. Quia ideo exercituales gratanter subimus expensas,

Cassind.
lib. 6. vari-
ar. Epist.
22. Lib. 7.
var. Epist.

Lib. 5. var.
Epist. 26.

ut ab armatis custodiatur intacta civilitas. Hæc isti præcipiebant & præstabant. Nunc alia rerum facies, quod sanè dolendum est, cernitur. Milites cernas hospitibus solis metuendos, quorum lingua vana, manus rapacissimæ, quibus ut adpopulandos finitimorum agros & capienda pecora aliqua vis sit, in acie ac signis colatis nulla est: lingua quam manu promprioris, prædatores suorum, & ipsi præda hostium.

VII. Exemplum Heraclij Imperat. bellum cum Persis gerentis.

Ex Theophane, Cedreno, & Baronio Anno 621.
& 622.

Heraclius Imperator celebrata solemnitate Paschali mox secundâ feriâ movit contra Persas. Sumens igitur venerandam Christi imaginem juravit universo exercitui se unâ cum illis usque ad mortem strenuè certaturum, militesque omnes loco filiorum habiturum. Ita benevolentia potius quam potentia sibi conciliavit exercitum: fortem-

Heraclius
benevolentiâ
devincit
sibi milites.

forter
ejusm
& fin
caver
bes ex
crem
sacris
dior
que
tiosu
c Hu
mne
picta
stin
ingr
proc
min
pter
ride
no
an
gl
te
d
g
loc
N
R

fortemque reddidit adversus Persas
ejusmodi verbis: ^b Videte, fratres
& filij, quod inimici DEI concu-
caverint regionem nostram: & ur-
bes exterminaverint: & altaria con-
cremarint, & mensas incruentorum
sacrificiorum sanguinibus homici-
diorum repleverint: & Ecclesias,
que flagitia non admittunt, flagi-
tiosissimis repleverint voluptatibus.

Ejus ora-
tio ad mili-
tes.

^c His adjecit præcepta, quibus om-
nes commonuit sectari justitiam ac
pietatem, & à peccatis penitus ab-
stinere. Inde ^d magnum templum
ingressus atratus calceos pronus
procubuit, & ita precatus est. Do-
mine JESU CHRISTE, ne nos pro-
pter peccata nostra hostibus tuis ir-
ridendos præbeas: sed intueri in
nos ac miserere nostri, & victori-
am de hostibus tuis concede, ne
glorientur scelerati, & tuæ insul-
tent hæreditati. Hunc ita animo
demisso orantem videns Geor-
gius Episcopus Pisidensis ita al-
locutus est:

Hortatur
omnes ad
pietatem.

Ejus ha.
milicia.

Oratio e-
jusdem ad
Christum.

Nigrum Imperator, nunc indute calceū

Rubefacies tinctum cruore Persicq,

Prædicitur
illi victoria.

Et

Vincit.

Iterum
hortatur
milites.

Et prædictionē probavit eventus.
Justā enim consertā pugnā victores
Romani Persicum exercitum dele-
verunt, animos exercitui addente
Heraclio, qui audacter in primam
aciem profiliebat, ac pro suis pu-
gnabat. Sed repetito iterum & in-
staurato à Persis bello, Heraclius
advocato exercitu suo, verbis ex-
hortatoriis incitabat eos dicens:
„Viri fratres, DEI amorem in mente
sumamus, injuriam ejus requirere
„satagamus. Stemus igitur for-
„titer adversus inimicos, qui mul-
„ta dira in Christianos operati sunt.
„Revereamur Romanū imperium,
„quod ejusdem ipsius est Domini,
„& non alterius: & stemus adver-
„sus hostes impiis telis armatos.
„Induamus fidem, nec timeamus
„interemptricem gentem: quia in-
„tra terram Persarum consistimus,
„& ingens fuga fert periculum.
„Vindicemus corruptiones virginū:
„recisa commilitonum membra
„nostrorum videntes corde do-
„leamus. Non sunt hæc nullam
merce-

„mercedem habentia; sed vitæ per-
 „ennis præmia. Stemus vigilanter
 „& Dominus nobis cooperabi-
 „tur & perdet inimicos nostros.
 „Cumque Imperator his & aliis
 „quàm plurimis commonitionibus
 „populum exhortatus esset, respon-
 „dit ei unus pro omnibus: Dila-
 „tasti angustiam cordis nostri, Do-
 „mine, os tuum in admonitione dila-
 „tans, acuerunt sermones tui gladios
 „nostros, & animos qui vinci ne-
 „queunt, effecerunt. Expeditos
 „nos tuis verbis exhibuisti. Eru-
 „bescimus in pugnam te aspicientes
 „non procedere: & iussiones tuas in
 „omnibus sequimur. Hæc nomine
 „omnium dicta. Imperator aatem
 „mox ad Persidem interiorem acces-
 „sit, igne comburens urbes & castra.
 „Fit interim terribile hic quoddam
 „miraculum. In æstivo quippe sol-
 „stitio æther sudore factus est madi-
 „dus, animos Romani exercitus re-
 „creans, adeò ut hinc spem optimam
 „sumerent, secundum quod scri-
 „ptum est. Pluviam voluntariam se-

Cohorta-
 tione ejus
 exercitus
 animatur.

Ros mili-
 tes recreans
 omen vi-
 ctoriae,

Psal. 67.

gregabis DEUS hæreditati tuæ,
& infirmata est: tu verò perfec-
cisti eam, Quid multa? conferuntur
manus: Persæ terga vertunt: He-
raclius potitur victoria. Jussit de-
inde exercitum suum tribus diebus
divinum oraculum præstolantem
castè ac purè conversari: sicque re-
sponso accepto in Albania decre-
vit hyemare. Dum verò abiens
iter ageret, vehemens tempestas &
gelu occupavit eum in via. Ha-
bebat verò secum quinquaginta
mil. Captivorum: ^f quibus com-
passus corde omnium vincula sol-
vit, indulgentiam ac libertatem
omnibus tribuens; ita ut omnes
cum lachrymis exorarent, ut uni-
verso Persico regno potiretur.

Captivos li-
beros victor
dimittit.

A Magnum Imperatori in bene-
volò militæ præsidium. Porro benevo-
lentiam militum non alia ratione faci-
lius conciliat Dux, quàm si periculorum
& discriminum velit esse socius, & e-
xemplis ceteris omnibus præire. Qualis
etiam fuit ille apud Livium qui dicebat:
Facta non dicta mea vos milites
sequi volo, nec disciplinam modò,
sed exemplum etiam à me petere.

Livius lib.
2.

B
re por
denda
chab
natos
& ani
lego
legibi
angu
non
meæ
nis.
mea
stros
funt
Et ag
ut au
modo
bant
nost
stro
C
chab
hort
cato
mus
funt
tur

B Incitandi milites ad prælium amore potissimum Ecclesiæ & patriæ defendendæ. Ita fecisse legitur Simon Machabeus, qui videns suos omnes consternatos ob metum Tryphonis, ad hortans eos & animans dixit: Vos scitis quanta lego & fratres mei fecerimus pro legibus, & pro sanctis prælia, & angustias quales vidimus. Et nunc non mihi contingat parcere animæ meæ, in omni tempore tribulationis. Vindicabo itaque gentem meam & sancta, natos quoque nostros & uxores, quia congregatæ sunt universæ gentes conterere nos. Et accensus est spiritus populi simul, ut audivit sermones istos. &c. Eodem modo se animabant illi Israëlita, qui dicebant: Erigamus dejectionem populi nostri, & pugnemus pro populo nostro, & sanctis nostris.

Machæ. 1p.

1. Mach. 3.

1. Mach. 34

C Imitatus est Heraclius Iudam Machabeum, qui præliaturus cum hostibus hortabatur populum conservare se sine peccato. Verissime dicebat olim S. Hieronymus: Nostri peccatis barbari fortes sunt: nostris vitiis Romanus superatur exercitus. Salvianus quoque Massi-

Hier ep. 3.
Libro 7. de
provident.

liensis Episcopus ideo sensit traditos olim Hispanos fuisse Vandalis hostibus longè infirmioribus, ut ostenderetur non vires valere, sed causam: neque illos ignavissimorum hostiū fortitudine obrutos, sed viciorū priorū impuritate esse superatos.

D Judas quoque Machabæus, ut legimus lib: 2. Machab: cap: 10. & qui cum ipso erant, appropinquante hoste deprecabantur Dominum caput terrā aspergentes, lumbosque ciliciis præcincti, ad altaris crepidinem provolvit; ut sibi propitius, inimicis autem eorum esset inimicus.

E Accendendi milites ad confligendum fortiter, cohortatione ducum. Sic sacra historia testatur Judam Machabæum suos ad pugnandum cum Nicanore his verbis animasse; Illi quidem armis confidunt, simul & audacia: nos autem in omnipotente Domino, qui potest & venientes adversum nos, & universum mundum uno nutu dele- re, confidimus. Admonuit autem eos & de auxiliis DEI, quæ facta sunt erga parentes, & quod sub Senacherib centum octoginta quinque millia perierunt. &c. quibus verbis constan-

2. Mach.

9.

constantes effecti sunt, & pro lege
& patria mori parati. *Et alio loco :*
Accingimini, ait, & estote filii po-
tentes; ut pugnetis adversus natio-
nes has, quæ convenerunt adversus
nos, disperdere nos, & sancta no-
stra. Quoniam melius est nos mo-
ri, quàm videre mala gentis nostræ
& sanctorum. Sicut autem fuerit
voluntas in cœlo, sic fiat.

*Erga captivos utendum indulgen-
tia, quæ hostium etiam animos devincit:
& alioquin crudelitas in hoc genere fa-
mam partæ victoriæ lacerat & obscurat.*

VIII. Exemplum Clodovei Regis Francorum gesturi bellum cum Alarico Rege Gothorum.

*Ex Hincmaro, Gregorio Turonensi, & Baronio,
Anno 507.*

Auspicaturus Clodoveus diffi-
cillimum prælium cum hoste
potentissimo Alarico, primùm a o-
mnium benedictionem petit à S.
Remigio Episcopo, qui ei & bene-
dictionem dedit; & victoriam in
verbo Christi spondit. ^b Universo
deinde exercitui Rex edita sanctio-

Clodove-
usiturus ad
bellum pe-
tit Episco-
palem bene-
dictionem.

Vetat da-
ma inferri
Ecclesiis,

ne mandavit, ne quid per huiusmodi bellum damni inferretur Ecclesiis, sacrisvè ministris, personis, rebusque ad eos spectantibus. Et quoniam pars hostium per territorium

Greg. Tur.
lib. 2. hist.
Franc. c. 32.

Turonicum transibat, pro reverentia B. Martini dedit edictum, ut nullus de regione illa aliud quam herbarum alimenta aquamque præsumeret. Quidam autem de exercitu invento cuiusdam pauperis foeno ait; Nonne rex herbam tantum præsumi mandavit, & nihil aliud? & hoc, inquit, herba est. Non enim

Militem
qui pauperi
foenum vi
abstulerat
capite ple-
ctus,

Erimus transgressores præcepti ejus, si eam præsumimus. Cumque vim faciens pauperi, foenum vi abstulisset, factum pervenit ad Regem. Quo dicto citius gladio perempto ait; Et ubi erit spes victoriæ, si B. Martinus offenditur? satisque fuit exercitui nihil ulterius ab hac regione præsumere. Ipse verò Rex direxit nuntios ad beatam basilicam, dicens: Ite, & forsitan aliquod divini victoriæ auspiciū ab aede sancta suscipietis. Tunc datis mun-
neribus

nerib
rent
mili
lam
meis
in in
gnar
gno
esse
aut
den
dur
lica
pro
pic
tute
fur
mi
fur
Qu
mi
to
ren
cū
ex
cu
ra

neribus, quæ loco sancto exhibe-
rent, ait, Si tu Domine adjutor
mihi es, & gentem hanc incredu-
lam, semperque æmulam tibi,
meis manibus tradere decrevisti,

Munera
mittit ad
basilicam S.
Martini.

Omen vi-
torix pe-
tit.

in ingressu basilicæ S. Martini di-
gnare propitius revelare: ut co-
gnoscam quia propitius dignaberis
esse famulo tuo. Maturantibus
autem pueris, & ad locum acce-
dentibus juxta imperium Regis,
dum sanctam ingrederentur basi-
licam, hanc antiphonam ex im-
provviso Primicerius qui erat ince-
pit: Præcinxisti me Domine vir-
tute ad bellum: supplantasti in-
surgentes in me subtus me, & ini-
micorum meorum dedisti mihi dor-
sum; & odientes me disperdidisti.

Obtinet.

Psal. 12.

Quod satellites audientes, & Do-
mino gratias agentes, & vota bea-
to confessori promittentes, læti
renunciaverunt Regi. Porro ille,
cùm ad fluvium Vigenam cum
exercitu advenisset per quem lo-
cum transire deberet penitus igno-
rabat: intumuerat enim ab inunda-

Vadum in
flumine re
petit mon-
strante cer-
va.

Omen ali-
ud victoriæ.

Prohibet
militem
spoliatio-
nem.

tione pluviarum. Cùmque illa no-
cte Dominum deprecatus fuisset, ut
ei vadum, quo transire posset, di-
gnaretur ostendere: mane facto &
cerva miræ magnitudinis ante eos
nutu DEI flumen ingreditur, illaque
vadante populus quæ transire pos-
set agnovit. Veniente autem Re-
ge apud Pictavos, dum eminus in
tentoriis commoraretur, ^f pharus
igneus de basilica S. Hilarii egressa vi-
sa est ei tanquam super se advenire,
scilicet ut lumine beati confessoris
adjutus Hilarii liberiùs hæreticas a-
ciēs, contra quas sæpe idem sacer-
dos pro Fide confluerat, debella-
ret. & Contestatus est autem omni
exercitui, ut nec ibi quidem aut in
via aliquid spoliarent; aut res cu-
jusquam diriperent.

A Leo Imperator in suis *Tacticis* de-
crevit, ut priusquam ineatur prælium,
omnes milites sanctificentur per sacerdo-
tes, asperzione nimirum aqua benedictæ.
Præcepit etiam Turmarchis curare, ut
uno vel altero die ante prælium, vexilla
& sacerdotibus benedicantur, & sanctifi-
centur;

centur; & postea vexilliferis cohortium tradantur. Olim etiam Angli habebant certum ritum consecrandi militem, cujus formam Ingulphus in sua historia describens ait. Anglorum erat consuetudo: quod qui militiæ legitimè consecrandus esset, vespera precedente diem suæ consecrationis apud Episcopum, vel Sacerdotem aliquem contritus de omnibus suis peccatis confessionem faceret; & absolutus, orationibus & afflictionibus deditus, in Ecclesia pernoctaret; in crastino quoque Missam auditurus gladium super altare offerret; & post Evangelium Sacerdos benedictum gladium collo militis cum benedictione imponeret; & communicatus ad eandem Missam sacri Christi mysteriis miles legitimus permaneret. *Petrus item Blesensis* Epist. 49. *gravis auctor scribit, tyrones enses suos de altari recipere solitos, ut se filios Ecclesiæ profiterentur. Deniq; in Romano caeremoniali exstat benedictio ensis, & militis. Juvat etiam, ut miles vel sanctorum reliquiis, vel AGNO bene-*

benedictio profecturus ad bellum se communit. Sanè mirificam vim Agni benedicti DEUS praesenti miraculo confirmavit in quodam milite Hispano. Rem gestam memoria prodidit Antonius Gabutius lib. 2 de vita Pij V. Pont. cùm enim militem quendam catholicum Hispanum ab Aurantio duce in Belgio captum, arboriq; alligatum milites heretici ancorum tormentorum ictibus occidere conati essent, tandem abfuit, ut illum confoderent, ut ne creberrimis quidem ac vehementissimis igneis globis in eum emissis vel minimum laedere potuerint. Quo viso obstupescit eum vestibus exuere ceperunt, rati hominem occultis quibusdam armis communitum; quæ globorum vis penetrare non posset. Sed cum nihil in eo praesidii reperissent, praeter sacrum AGNUM è collo pendentem, hoc illi detracto primo ictu transverberatus occubuit.

B Hoc exemplo docetur providendum esse Christianis ducibus, ut milites suos edictis & pœnis à bonorum Ecclesiasticorum spoliacione cohibeant. Sunt enim bona ejusmodi ab omnibus hel-

Ceresi oscil-
li sacri vir-
tus.

horum

lorum oneribus libera. Quod de bonis Ecclesiasticis Regni hujus tam notum est, ut à nullo juris Polonici vel medicriter gnaro in dubium vocari possit. Gravi itaque scelere nostri milites se obstringunt, quoties ex bonis Ecclesiasticorum stationes quas vocant, quasi jure sibi debitas exigunt, & extorquent: vel alia ratione adscriptitios Ecclesiasticorum vexant, & spoliunt. Quo enim quaso jure id faciunt? Num communi? At nullum tale extat. Num privato militari? At hoc ejusmodi est, ut contenti suis stipendiis vivant. Num consuetudine nituntur? At hæc non consuetudo est, sed corruptela; quam omnes boni detestantur: & plane sublatam cupiunt. Num necessitate adducti manus alieno admovent? At si necessitate premuntur, cur eam sublevandam subsidium ex nobilibus laicorum bonis non petunt? Dicent, nobiles alios immunitate talium onerum gaudere. At ea quoq; gaudent Ecclesiastici. Rursum dicent; nobiles ad militum stipendia pecuniam per mansos agrestium suorum conferre: atqui Ecclesiastici nostri contributiones quas vocant publicas pracon-

Fundos
sacros, & a-
gricolos vi-
clare ac di-
ripere nefas
est.

auccu-

ANDRE-
AS Lipcki
in quaest.
publ. qu. 7.
in fine.

ducendo milite stipendiario, non tantum ex bonis & prædiis, verum ex decimis quoq; sibi debiti, contra jus & æquum, non invitati tamen in gratiam laicorum nobilium præstare solent, ita fit ut inverso rerum ordine, ut sapienter quidam annotavit, pro secularibus spiritualium ordo unà cum misellis rusticis & colonis præclari & pij muneris patriæ defendenda non postremas partes sustineant. Cur ergo ab illis solis milites necessitati suæ subveniri volunt? Dicent hoc sine amplos Ecclesiasticis redditus à Repub: attributos, ut milites quoque ex jisdem sustentent. At toto celo errant: cum Respub. ipsa ab ejusmodi onere bona Ecclesiasticorum libera esse voluerit. Quod si necessitati soli milites obviam ire volunt, cur non precario agunt? sed vim adhibent, & licenter quod collibuit auferunt? Sane David gravi penuria laborans, non extorsit vi panes, quibus egebat ab Achimelech sacerdote, sed precibus agebat submisisse ac reverenter. Si quid, inquit, habes ad manum, vel quinque panes da mihi, aut quidquid inveneris. Dicent ad hæc? stipendia sibi non numerari ad tempus. Fateor eos culpæ

non vacare, qui per negligentiam stipendia militibus debita suo tempore non solvunt. nam ea ratione præbent eis occasionem in bona aliorum grassandi. Quia, ut ait Athalaricus Rex. Sub quadam excusatione peccare creditur, cui necessaria non præbentur. Et verissimum est illud Theodorici Regis, quod disciplinam non potest servare jejunos exercitus, dum quod deest, semper præsumit armatus & necessitas moderamen non diligit. At quæ ratio fovadet, ut alienam in eo genere culpam Ecclesiastici potissimum luant, qui ad militaria stipendia non postremam partem pecuniæ conferunt? Non ergo iure aliquo milites agunt, dum ex bonis Ecclesiæ quæ placent auferunt; sed veterem insolentiam militarem retinent de qua aliquando questus est Petrus Blesensis: Hodie inquit, tyrones enses suos recipiunt de altari, ut profiteantur se filios Ecclesiæ. Porro in contrarium res versa est. Nam ex quo hodie militari cingulo decorantur, statim insurgunt in Christos

Cassiod.
lib. 9. variar.
Epist. 13.
Cassiod. lib.
4. variar.
Epist. 13.

Epist. 14.

stos Domini, & desæviant in patrimonium Crucifixi: spoliant & deprædantur subjectos Christi pauperes: & miserabiliter atque immisericorditer affligunt miseros, ut in doloribus alienis illicitos appetitus & extraordinarias implicant voluptates. Qui contra inimicos crucis vires suas exerere debuerant, in potibus & ebrietatibus pugnant, vacant otio: marcentrapula: vitamque degenerum in immunditiis transigentes nomen & officium militiæ dehonestant. Hilaudant in pace prædas, inter arma fugas, inter vina victorias, cum sint in prætoriis leones, in præliis, lepores. Ordo militum nunc est ordinem non tenere; nam cuius os malorum verborum spurcicia polluitur; qui derestabilius jurat; qui minus DEUM timet; ministros DEI vilificat; qui Ecclesiam non veretur; iste hodie in coetu militum fortior & nominatior reputatur. *Hæc ille. Quæ utinam militibus nostris obijci non possint.*

Sanct
clesius
restar
in D
num
DE
zione
ral,
ercitu
Josue
ruler
rati
host
hujus
preb
low
bet
pida
cun
sum
Don
tes
pina
tam
cinu
mili
corn

e Sapientissimè id dictum à Rege,
Sanctis, in quorum tutela sunt bona Ec-
clesiastica, offensis spem victoriae non
restare. Nam quod in sanctos peccatur
 in DEUM ipsum sanctorum Domi-
 num peccatur. Non multum de rebus
 DEO sacratis miles Achan in expugna-
 tione & direptione urbis Jericho abstule-
 rat, nihilominus adeò in univèrsùm ex-
 ercitus DEUS cominotus est, ut dixerit
 Josue Imperatori; Peccavit Israël,
 tuleruntque de anathemate, & fu-
 rati sunt, nec poterit Israël stare ante
 hostes suos, donec onteratis eum qui
 hujus sceleris reus est. Ita factum. De-
 prehensum Achan sacrilegum sic Josue al-
 loquitur est; Quia turbasti nos, extur-
 bet te Dominus in die hac. La-
 pidavitque eum omnis Israël: &
 cuncta quæ illius erant igne con-
 sumpta sunt. Et averius est furor
 Domini ab eis. Perpendant id mili-
 ces & caveant, ne obprivatas eorum ra-
 pinas & sacrilegia exercitus, in quo mili-
 tant, clade aliqua vindicante illorum fa-
 cinus DEO afficiatur. Duces quoque
 militum animadvertant melius esse pau-
 corum crimen non finire inultum
 quam

Josue 2.

quàm impunitate cœlestem iram in universum exercitum accersere.

D Omnia in bellis non superstitiosè captanda sunt; sed si divinitus aliquando offeruntur, non omnino negligenda.

Lib. 7.
hist. cap. 23.

E Id præmium à DEO Clodovei pietas tulit. Narrat Socrates Asparem copiarum Theodosii junioris Imperat: ducem, cùm incertus esset quâ Ravenniam aggredi deberet, Angelum in forma pastoris ducem itineris natum esse, qui per stagnum Ravennæ adjacens copias ejus deduxit, quâ viâ nemo unquam iter fecerat. Sed DEUS quâ transiri non poterat transitum Aspari patefecit, SURIUS quoque meminit ea parte, quâ CAROLUS V. Imperator Albim vado trajecit cum Protestantibus pugnaturus, postera die non nisi natando, & ægrè quidem id fieri potuisse: gravesq; scriptores sensisse non sine miraculo & præsentis Numinis ope Casarem illud latissimum flumen cum maximis copiis vado transisse.

SURIUS in
com. anpi
154.

F Visa ejusmodi aliquando victoriam portendunt: aliquando hostes terrore percellunt. Quo tempore Tartari Præstislaviam Silesia gravi obsidione cinxerant;

erant, Ceslaus D. Dominici vite institu-
tum professus, qui tum monasterio sui
Ordinis Vratislaviæ præerat, metu hosti-
um in artem confugerat. Eo igitur jugi-
bus precibus & lachrymis D. E. I. miseri-
cordiam & præsentis periculi depulsionem
implorante, ecce columna ignea cœlitus ap-
paruit; & stativa Tartarorum omneq;
terrisorium terribili fulgore collustravit,
quo miraculo barbari perterrefacti obsi-
dionem solverunt.

& Facilius auxilium divinum spera-
tur, cùm duces res Christi & Ecclesiæ ab
injuris militum tuentur: & tunc D. E.
I. pro ducibus pugnat, quando ipsi quo-
que rerum divinarum defensionem susci-
piunt.

IX. Exemplum Belisarij exer- citus Justiniani Imperat. contra Vandalos in Africa Ducis.

Ex Procopio libro I. de bello Vandalico.

Justinianus navim prætoriam in
Africam contra Vandalos vela
facturam ad littus juxta ædes impe-
ratorias deduci jussit. ^a Tunc Epi-
pha-

Episcopus
classi bene-
dixit.

Militum
obprobrium
facinus.

Pœna.

Cæteri
turbantur.

phanus civitatis Constantinopoli-
tanæ præsul classi de more benedi-
cens ac bene precatus, milites pau-
lò ante baptizatos, nomen profi-
tentes Christianum, sigillatim in
navim introduxit. Sic itaque Be-
lisarius cunctorum ducum, exerci-
tusque totius imperator solvit: &
classis omnis prætoriam secuta Pe-
rinthum applicuit. Inde solven-
tes Abydum perveniunt: ibiq; dies
item quatuor maris tranquillitatem
expectandam consentibus casus
contigit hujuscemodi. Duo Mas-
sagetæ quendam è sociis^b ut ebrios
irridentem interfecerunt. Nam o-
mnium maximè vino dediti Mas-
sagetæ sunt. Belisarius igitur am-
bos hos in Abydi quodam pro-
montorio palo infixit; quod fa-
ctum quum alij, tum ex eorum ge-
nere viri maximè agrè ferrent,
Belisario dixerunt, ^d se non
ex lege aut pœna aliqua co-
actos, quum Romanis subditi non
sint, sed sponte in exercitu esse:
Tali igitur supplicio non esse apud
eos

eos con-
tere.
re, q
punita
cupieb
versun
ad lo
belli
mili
gâ n
enar
at a
tiæ.
tum
nam
stet
aute
neq
vob
eti
quo
ex
ver
luer
cor
mo
be

eos consuetudinē delinquentes ple-
ctere. Cum his itaq; plures consensē-
re, qui maxime propter scelera im-
punita esse delinquentium peccata
cupiebant. Belisarius igitur uni-

Belisari
ad milites
turbatos
oratio.

versum congregans exercitum ita
adloquitur: Si nunc apud viros
belli expertes, ac nunc primum
militantes verba haberem, lon-
gā mihi esset opus oratione ad
enarrandum quantam vim habe-
at ad victoriam observatio justi-
tiæ. Hujus disciplinæ summam,
tum pugnæ finem atque fortu-
nam, imperiti in dextris consi-
stere tantum existimant. Vos
autem qui sæpè inimicos vicistis,
neque corporibus neque animis
vobis inferiores; sæpe etiam vi-
cti fuistis: non ignorare puto,
quod homines quidem utrinque
ex acie inter se dimicant; finem
verò tantum quem DEUS vo-
luerit consequuntur. Nam &
corporis prosperitatem, & ar-
morum diligentiam cæteramque
belli præparationem, longè in-

NOTA

NOTA

„feriora iustitia, & in DEUM obser-
 „vantia, esse non dubium: quam
 „si quis sectatus fuerit, magis ei,
 „quam è supradictis felicitas eveni-
 „ret. Prima igitur iustitiæ cura in-
 „justè interfectos ulcisci. Si enim
 „iusti & iniusti iudicium in eos exer-
 „ceri, qui prope nos sunt, præte-
 „reatur; nullus jam metus erit:
 „vilis admodum fuerit homini ani-
 „mæ ratio. Si quis enim Barbarus
 „proximum per ebrietatem occi-
 „derit, ac veniâ propterea postu-
 „latâ se crimine solutum dixerit:
 „peccata licentiâ longè fuerint pe-
 „jora: Neque enim ulla ratione
 „fas ebrium esse; multò minus in
 „exercitu militi proximos ob id in-
 „terficiendos. Ipsa enim per se
 „temulentia, vel cæde non conse-
 „quente, poena est digna: quantò
 „magis si ea consequatur: multo-
 „que item magis in proximum,
 „quàm alienum. Exemplum ita-
 „que facti quale sit, ac quàm de-
 „testabile ipsi conspiciatis; vos ergo
 „manibus temperare ab injuriaque
 absti-

NOTA.

Militi non
est fas esse
ebrium.

„ abstinere opus, nec putatote me
 „ conniventem injustum, quocun-
 „ que modo toleraturum; neque
 „ illum quamvis hostibus formi-
 „ dosum ac terribilem, qui ali-
 „ oquin manibus in hostes puris
 „ non feratur, ullo modo commi-
 „ litonem putaturum; quum fru-
 „ stra sit fortitudo, ubi iustitia de-
 „ fuerit. Vbi Belisarius finem di-
 „ cendi fecit exercitus^h omnis &
 „ verba imperatoris non conte-
 „ mnenda considerans, & illorum
 „ supplicia spectans timore corrip-
 „ tur: jamque ex illo frugi esse &
 „ ex æquo inter se vivere apud ta-
 „ lem ducem non injusta passurum
 „ cogitabant &c.

NOTA:

Effectus
 orationis
 dicitur.

„ Ubi verò in Africam classis ap-
 „ pulit, die sequente, postquam mi-
 „ litum quidam in agros discurrentes
 „ fructus attigerunt, eos ignominia
 „ notatos convocans Belisarius sic
 „ est allocutus; i Vim adferri, & ex
 „ alienis pasci, turpe semper ac
 „ probrosum videtur, quòd inju-
 „ stum in ipso feratur: nunc autem

Iterum
 puniuntur
 milites ra-
 paces. Beli-
 sarii alia
 oratio.

E;

nobis

„ nobis etiam in eo periculum con-
 „ siderandum; ut, si fas est dicere,
 „ iusti ratio sit periculo posthaben-
 „ da. Ego enim hoc tantum con-
 „ sisus vos in hanc terram descen-
 „ dere iussi: ut Afri à Romanis
 „ procul existentes sint Vandalis
 „ pro nobis infidi ac molesti, quam-
 „ obrem nil necessariorum pro-
 „ pterea nos deserat: neque excur-
 „ sionibus ab inimicis lædamur.
 „ Verum nunc vestra immodestia
 „ omnia nobis hæc contraria reddi-
 „ dit. ^k Afros enim quodammo-
 „ do Vandalis conciliastis: ac in
 „ nos ipsos jam ob vestrum hoc fa-
 „ ctum ad inimicitiam deduxistis.

„ **NOTA.** Natura enim inest adfectis inju-
 „ riâ erga afficientes continuo ma-
 „ levolentia. Vestram igitur secu-
 „ ritatem ac omnium copiam parvo
 „ admodum argento posthabetis;
 „ quum vobis ex voluptariis domi-
 „ nis, quæ sint opus, liceat emere:
 „ erga quos minimè injustos esse
 „ decet, ut nobis illorum amicitia
 „ sit usui. ^l Nunc verò effecistis ut
 con-

„ contra Afros æquè atque Vanda-
 „ los nobis etiam sit bellum; imò
 „ contra DEUM ipsum quem nul-
 „ lus injustus sentiet adiutorem. Par-
 „ cite igitur posthac aliena inva-
 „ dere, lucrumquè sequi periculis
 „ plenum: hoc enim illud est tem-
 „ pus, quo maximè modestia nos
 „ salvos faciet: Injuria interitu ple-
 „ ctet. Hæc vobis curantibus DE-
 „ US erit inprimis placatus: dein-
 „ de gens Afrorum benevola, po-
 „ stremò de Vandalis victoria fa-
 „ cilis. Belisarius his gestis ubi exer-
 „ citum ordine disposuit, Cartha-
 „ ginem versus iter arripuit: milites
 „ ut essent abstinentes, sibi quæ ac
 „ manibus imperarent, admonuit;
 „ neque aliquid ab re aut contra of-
 „ ficiū facerent. Ipse verò man-
 „ suetudinem atquè humanitatem
 „ præ se ferendo Afros sibi concilia-
 „ vit. ^m Ex quo reliquo tempore si-
 „ cut in propria regione magna cum
 „ modestia iter fecit, colonis circa nec
 „ latitantibus, nec quicquam expa-
 „ vescentibus; quin potius quæ oportet

Disciplina
 militaris
 fructus.

Exemplar
modestiae
militum.

Virtutes
imperato-
ris Belisa-
rij.

Munificen-
tia in mili-
tes.

tet omnia vendentibus; simul & exercitui ministrantibus. ⁿ Carthagine capta sic modestos omnes dux hic suos reddidit; ut neque contumeliam aliquam, neque minas ullas, aut unius officinae impedimentum, uti mos est eorum, intervenire videremus: sed in capta ac statum mutante civitate nulli contigit tabernas claudere, aut quicquam venalium sponte negare. &c. Humilem præterea se Belisarius benignumque adeò atque aditu cunctis quibusque perfacilem exhibebat; ut infimæ fortis viro persimilis videretur, Milites item, & rusticani, & cujusque generis homines certatim hunc benevolentiam prosequabantur. Nam in suos, præcipuè milites, munificentiam cæteros anteibat: & qui bello rem fortè malè gessissent, pro acceptis vulneribus pecuniam non parvam donando, indignationem ac simul mœstitiam sæpius permulcebat: ei verò, qui in acie egregiè se habuisset, varia dono dabat in præmium

orna-

ornamenta. Et qui præterea aut arcus, aut rei alterius bellicæ jacturam præliando fecisset, confestim alia & potiora per Bolisarium parabantur. p Erga agricul-
 toresque homines tanta hic indulgentia ac providentia utebatur; ut Belisario ductante exercitum nullam hi vim paterentur: sed ex insperato potius opulenti ac divites reddebantur: ut qui crebrò ad se adventantibus copiis majori omnia in victum pretio venditarent. Segetes insuper dum in agris maturefcerent diligentius tuebatur; ne forte equorum greges has devastarent: frugesque cæteras invitis dominis suos attingere prohibebat. s Erat
 item vir continentior; ut qui præter denuptam sibi uxorem noverit nullam. Nam ex Vandalis Gottisq; tanta multitudine & formâ egregiâ foeminas quum bello cepisset, earum nullam vel in suum conspectum venire, vel alloqui quoquam pacto permisit. Ad extera ejus hujusmodi ornamenta perspicax quidem

Indulgentia in agricolas.

Continentia & pudor.

**Industria
in agendo.**

**Animi ma-
gnitudo.**

Caleritas.

Sobrietas.

Felicitas.

& vividum accedebat ingenium; quippe qui vel dubiis ipsis in rebus, ad ea quæ potiora foren- exco- gitanda, mirum de se in modum & opportunè valeret: ipsoque belli discrimine animi præstaret magnitudine: è tutoque & confideratiùs ad res gerendas audentior esset. Festinare præterea cuncta- ri que in ipsis adversus hostem conatibus ut res deposcebat: in rebus trepidis bene sperare, nec terrore aliquo capi, non prosperis insolens esse, nec vitam in delitiis agere: nec quisquam unquam hominum fuit, qui temulentum hunc viderit. Et quàm quidem diu Romanorum exercitui tam in Africa, quàm in Italia præfuit, perpetuò victor erat; & obvia quævis occupabat.

A Sacerdotalis benedictio & precatio exercitui imperianda.

B En quid mali pariat ebrietas, malum cum ab omni hominum cœtu, cum à castris potissimum removendum; in quibus assidua opus est vigilantia,

quam

quam
lee.
sum
ri in
spect
quar
Chri
lis sp
les v
tari
repe
gnas
præ
præ
gref
don
suis
imp
in t
mar
vul
nas
ferr
terf
ne
ven
ne

quam ebrietas alto somno consopire so-
let. Divinus ille Plato Carthaginen-
sum legem probabat, quâ vinum gusta-
ri in castris vetabatur. Quàm turpe

2. de legi-
bus.

spectaculum militem videre ebrium?

quàm tristis, ait D. Ambrosius,

Christianorum oculis, & miserabi-
lis species? Cernas juvenes terribi-
les visu hostibus de convivio por-
tari foras, &, inde ad convivium

Lib. de E-
lia. cap. 13.
oratio.

reportari. Ibi unusquisque pu-
gnas enarrat suas: ibi fortia facta

prædicat: narrat trophæa. Viri

præliatores stare non possunt: e-
gressu vacillant. Rident servuli

dominorum opprobria: manibus

suis portant, militem bellatorem

imponunt equo. Alij referuntur

in icutis, fit pompa ludibrij. Quos

manè insignes armis spectaveras

vultu minaces; eodém vespere cer-
nas, etiam à parvulis rideri, sine

ferro vulneratos, sine pugna in-
terfectos, sine hoste turbatos, si-
ne senectute tremulos, in ipso ju-
ventutis flore arentes. Hæc divi-
nè Ambros. Præclare etiam Seneca:

I lib. 12.
Epist. 84.

Eruit

Eruit omne vitium ebrietas: & incendit: & detegit, obstantem malis conatibus verecundiam remouet. Crescit intolenti superbia, crudelitas seuo, malignitas livido. Cogita quas ediderit publica ebrietas clades. Hæc acerrimas gentes bellicosasque hostibus tradidit: hæc multorum annorum pertinacii bello defensa mœnia patefecit: hæc inuictas acies mero domuit. Ita ille. Notum est quomodo *Holofernes* non seipsum modo sed & tan-
tas equitum peditumque copias vino perdidit, *Ipsi* nostrâ memoriâ non dissimilia audiuimus. Superioribus annis capto è milite *Christiano* non paucos dicitur Imperatori suo *Sinanus Bassa* per ludibrium, & ebrietatis exprobrationem, *Constantinopoli* cum poculis, aleis, & chartis obtulisse.

Lib. 2. c. 7. C Præclarum exemolum disciplinæ militaris, quam *Val: Maximus* præcipuum decus, & stabilimentum *Romani imperij* vocare non dubitauit: in ejusque sinu & tutela serenum tranquilumque beatæ pacis statum acqui-

acquiescere dixit. *Idem censuit aspero & abscisso castigationis genere militarē disciplinam egere; quia vires armis constant, quæ ubi à recto tenore desciverunt oppressura sunt nisi opprimantur. Clearchus quoq̃ Lacedæmoniorum dux hoc egregio dicto disciplinam militiæ continebat, identidem exercitûs sui auribus inculcando: A militibus Imperatorem potius, quàm hostem metui debere. Valer. ibid.*

D Milites voluntarij plerumque dissolutiores & licentiosiores esse solent.

E Milites sceleribus obnoxij aliorum delinquentium peccata cupiunt esse impunita. Nam probi & innocentes scelera vindicari libenter ferunt.

F Magnam habet vim ad victoriam observatio justitiæ.

G Nota armorum diligentiam inferiorē esse justitiæ, & in DEUM observantia.

H Fructus militaris disciplinæ, meritis Imperatoris, & vita frugis ac ab injuria cessatio. Indulgentia quidem, ait Casar lib: 3. Belli civilis, & largitio speciosum reddunt præsen-

78 BELLATOR

tem exercitiis amorem; paulatim
tamen & occultè militarem disci-
plinam severitatēque minuunt:
& delicta militum nullā veniā pro-
sequi usu salubre, & misericordia
melius, semper apparuit auctore Ta-
cico lib. 13. *Annal.*

I *Præclara sententia egregij ducis:*
Vim adferri, & ex alienis pasci,
turpe est & probrosum. *David e-*
gregius bellator cum sua cohorte mili-
tum 600. non attingit quicquam ex bo-
nis Nabal; quin potius sic eum per su-
u. Reg. II. as pacificè salutavit. Sit fratribus me-
is & tibi pax, & domui tuæ pax:
omnibus quæcunque habes sit pax.
Nunquam pastoribus tuis molesti
fuimus nec aliquando defuit quic-
quam eis de grege omni tempore
quo fuerunt nobiscum. &c.

κ *Solent provinciales, in quorum terra*
bellum geritur, inimicum animum in-
duero erga milites; à quibus per sum-
nam injuriam vexantur & spoliantur.
E conerario verò modestis & manum ab
injuria cohibentibus militibus non fa-
vent solum contra hostes; sed & com-
mea-

meatum necessarium facili pretio, imò
gratis interdum subministrant.

L Qui provinciales opprimunt rapi-
nis, & violentis exactionibus; & hostes
eos experiuntur: & contra DEUM
pugnant.

M Fructus pacati & modesti exer-
citus erga provinciales.

N Rarum disciplina militaris e-
xemplum, victorum tanta modestia. Si-
quidem Seneca in Troad: ait;

Regi frænis nequit.

Et ira, & ardens hostis, & victoria.

Gladiusq; felix, cujus infecti semel

Vexors libido est.

At Belisarius modestè secundam fortu-
nam victor tulit, quæ in malo ingenio
avaritiam, cæteraque occulta mala pa-
refacie.

O En quibus artibus militem amor
à duce concilietur.

P Nocent hoc nostri milites, quorum
est effrenata erga agricolas insolentia.

Q Imitanda cunctis ducibus pudicitia.

X. Exemplum Narsetis copiarum Justiniani Imperatoris contra Totilam Gottorum Regem Ducis.

Ex Evagrio lib. 4. hist. c. 23. & Procopio lib. 3. de bello Gotico.

Narseti
pugnatura
cum Gottis
B. Virgo
apparet.

Ejus ope
debellatum
est.

Commemoratum est ab his, qui unà cum Narsete fuerunt; dum precibus & aliis pietatis officiis Divinum Numen placaret: debitumque ei cultum tribueret: a Sanctam Virginem Deiparam ei apparuisse; planèque tempus præscripsisse, quo bellum cum hostibus gereret: atque ut non prius ad prælium committendum se accingeret, quàm cælitus signum acciperet. Factumque est DEI opera quod & ipse Narsetes ingenuè professus est) ut bellicosissimus vir Totilas unà cum potentissimo exercitu innumeris clarus victoriis, ac viribus pollens, à semiviro Narsete: (eunuchus enim erat) cuncta nittente MARIAE Virginis ope vin-

cere-

teretur. Narses itaque, ait Pro- ^{Narses}
cop. ex re bene gesta lætior factus, ^{gratus in}
^{Deum.}

id omnē DEO acceptum (ut erat
in verō) indefinenter retulit. Con-
versus deinde ad ea quæ proxima
erant administrandum, c. Longo-
bardorum inprimis nefanda faci-
nora se in expeditionem sequen-
tium vindicare primū & expiare
curavit. d. Illi namque ad cæteram
vitæ factorumque impietatem &
scelus, vel ædificia ipsa in quæ fortē
diverterant, in iussi cremabant; stu-
prumque foeminis & vim infere-
bant sacras in ædes refugientibus.
Unde magnā pecuniā hos primū
donatos ad proprios penates redi-
re iussit, Valeriano, Damianoque
cum suis copiis ducibus traditis, qui
eos tam diu deducerent, quoad in
Romanorum confinia pervenissent,
& illis injunctum, ut sine aliorum
injuria pertransirent.

A In bellis potissimum Beatissimæ Vir-
ginis Mariæ auxilium implorandum, e-
xemplo Narsesis non magis religioso quam
felici.

B Post victoriam gratia DEO inde-
sinenter agenda.

C Non sunt in castris tolerandi mi-
lites impij & sacrilegi; sed exauctorandi
sunt & dimittendi; tamen si eorum opera
duci fuerit utilis. Idem Narses pu-
gnaturus cum Bucellino, sive Bulcino
duce Francorum, inventum unum He-
rulorum virum nobilem, qui servum
occidisset, pari poena plecti statim iussit,
non magni faciens, etsi in illa temporis &
rerum necessitate ingens Herulorum mul-
titudo sese ab ejus exercitu separaturam
mortem gentilis sui agre ferens mira-
retur. Refert id Agathius lib. 2. hist.

D Non debet pati bonus Imperator,
ut à militibus aedificia, ad quæ ducerentur
passim, crementur.

XI. Exemplum Belisarii cum Persia præliaturi

Ex Procopio lib. 1. de bello Persico.

Belisarius antequamcum Mir-
rhane Persici exercitûs duce
contligeret, ejusmodi ad eum lite-
ras dedit. Primum quidem bo-
num

„ num esse pacem apud omnes
 „ homines in confesso est, quibus
 „ paululum rationis existit, si quis
 „ autem ipsam turbare sit inventus
 „ malorum causa sibi ac proximis
 „ fuerit. Dux optimus ille profe-
 „ ctò putandus, qui ex bello pa-
 „ cem disponere sit aptus; tu ve-
 „ rò rebus in quiete constitutis, ac
 „ utroque rege concordiam exo-
 „ ptante, bellum absque ulla causa
 „ omnino inferre decrevisti. Ade-
 „ runt & legati nostri propediem;
 „ qui si qua inter nos dissidens
 „ facile conciliabunt, nisi forte ex
 „ hac interim tua expeditione gra-
 „ ve aliquid oriatur, quod spem
 „ pacis nobis eripiat. Sed age istum
 „ celeriter domum reducito exer-
 „ citum; ne maximis impedimen-
 „ to sis bonis: nè tuis ut par est
 „ gravium eventorum causa feraris.
 „ Has ubi Mirrhaneas literas legit
 „ sic respondit; Tuis literis permo-
 „ tus profectò obtemperassem nisi
 „ Romanorum epistola fuisset: b
 „ quibus promittere promptum est

Superbum
 responsum
 Persæ.

„ missis autem quanquam juramen-
„ to firmatis minime stare. Nos
„ igitur vestræ occurrentes fallaciæ
„ ad arma cogimur venire. Vos
„ ergo chari Romani nil in futu-
„ rum aliud excogitate, quàm vo-
„ bis perpetuò cum Persis bellan-
„ dum. In hoc enim nos & con-
„ fenescere & mori simul oportet;
„ donec re, non tantùm verbis in
„ nos æqui fueritis. Rursus autem
„ hi qui cum Belisario erant, sic
„ rescripsere; Non in omnes, o-
„ ptime Mirrhane, jactantia uti o-
„ portet: neque proximos probris
„ nullo modo ad rem pertinenti-
„ bus semper incessere; præsertim
„ cùm Rufinum de concordia lega-
„ tum jam jam adfuturum asseve-
„ remus: tuque brevi videbis. Vo-
„ bis nihilominus, si hostilia tan-
„ dem cupitis, occurremus & au-
„ tore DEO, quem nobis in peri-
„ culo propitium futurum, ac Ro-
„ manorum quieti faventem; ja-
„ ctantiæ denique Persarum adver-
„ sum speramus. Et quando no-

„bis ad pacem provocantibus re-
 „stitistis, acie decernere parati su-
 „mus, jusjurandum ac conscripta
 „foedera violata in summis signis
 „ad prælium suspendentes. Mir-
 „rhænes verò rursus sic respondit.
 „Neque nos absque diis & nostris
 „in bellum descendimus, quin du-
 „cibus ipsis comitati contra vos
 „venimus, quos spero cras in ur-
 „bem Daram Persas introductu-
 „ros, ubi & balneum, & prædica-
 „tum fac mihi intra moenia pares.
 „His igitur lectis, qui cum Belisario
 „erant, ad pugnam se accingebant.
 „In quoque certamine DEI virtus ho-
 „stes opprimens manifestò est co-
 „gnita; dum vi ventorum Persarum
 „spicula cæteraquè missilia in Ro-
 „manos intorta præpedirentur, & in-
 „efficacia penitus redderentur; con-
 „tra verò validiore impetu Roma-
 „norum jacula vibrarentur; sicque
 „victi, demum & fugati sunt Persæ,
 „Romanis incruenta victoriâ poti-

Confiden-
tia barba-

A DEO
punita.

*A Offerenda primum est hostibus pax
quod fecit Belisarius ex divina utique
Deut. 20. scriptura præscripto dicentis: Si quan-
do accesseris ad expugnandam civi-
tatem, offeres ei primum pacem. &c.*

*B Barbaricus mos superbè & con-
tumeliosè cum hostibus agere.*

*C In hoc semper laborandum est
Christianis ducibus, ut spem omnem in
DEO reponant; eam denique veluti
primarium vexillum ob oculos hosti-
um ponant.*

*D Bona spe dimicatur contra fœde-
rum violatores.*

*E Ecce & barbari diis suis auxiliatori-
bus invocatis pugnare soliti.*

*F Superbum imperium, quod divina
virtus irritum tandem fecit.*

XII. Exemplum Catacali Præfecti Michaëlis Imperatoris Constantinopolitani.

Ex Joanne Cyropalate.

SAraceni obsidebant maximo
exercitu Messanam; quam
cum præsidio Catacalus cogno-
mi-

mine Combustus tenebant. Cum-
 que portas clausisset triduo; ne-
 que quemquam vallum transili-
 re permitteret; sed timiditatem præ-
 se ferret; negligentes Saraceni sine
 metu dissipabantur: a & dies no-
 ctisque computationibus, & tibiis
 ac cymbalis indulgebant, quasi vi-
 delicet urbs postriedie capienda es-
 set: quarta autem die quâ confve-
 vimus mediam Pentecosten cele-
 brare, Combustus animadversa ne-
 gligentia & socordia Saracenorum,
 & ut illi sine ulla cura ac sollicitu-
 dine degunt nihil curantes eorum
 quæ intra muros fierent: suo e-
 exercitu confirmato, quum iussisset
 sacrificium incruentum perficij, b si-
 mulque cum omnibus particeps
 fuisset divini Sacramenti circiter
 prandii horam: apertis urbis por-
 tis maximo impetu in adversarios
 erumpit ebrios & crapulâ onustos:
 ipse primùm cum suis ad taberna-
 culum Apolaphar Insulæ Principis
 adequitans; & ille quidem statim
 interficitur mollis & facilis captu

Stratage-
 ma Cata-
 cali.

Sacramen-
 tum corpo-
 ris & san-
 guinis Do-
 mini exer-
 citus acci-
 pit.

præ ebrietate: ejusque tabernaculum perumpitur. Cadebant etiam alij Saraceni acervatim præ ebrietate labentes, & inopinato impetu nihil prorsus virtutis memores. Fit igitur strages totius exercitus, quum Saraceni se mutuò obterentes occiderent, ita ut cadaveribus complerentur planities, & proximæ convalles, & flumina, captaque sunt omnia castra, auro & argento & margaritis pretiosis, & lapillis referta: quos, ut fertur, milites divisere.

¶ *A* Perniciosa res castris ebrietas, & voluptas. Præclare Tacitus ait degenerare à robore & virtute militem assuetudine voluptatum: & si quid ardoris ac ferociæ habuit, popinis & commensationibus deteri. Itaque P. Cornelius Scipio Africanus eodem temporis momento, quo castra intravit edixit; ut omnia ex his quæ voluptatis causâ comparata essent, auferentur & summoherentur. Metellus quoque Consul in Africa Jugurthino bello cum nimia indulgentia corruptum exerci-

Lib. 2.
h. 1.

nam accepisses, omnibus nervis restituere militarem continentiam nisus est. Quid ergo, ait Valer. Max: restituta continentia profecit? Crebras victorias, & multa trophæa peperit.

Lib. 8.
cap. 7.

B Salutaris mos pugnaturos milites Sacrosancto Christi corporis viatico communicare.

XIII. Exemplum S. Ludovici Galliarum Regis Damiatam ex manu Saracenorum recuperantis.

Ex. E. Henrico Sedulio Ord. FF. Minorum in ejus vita.

Cum Rex Ludovicus videret in portu Damiatæ magna esse Turcarum præsidia, communicato cum proceribus consilio jussit ut die altero summo mane exirent in terram; eamque eo loco occuparent, ubi inter ipsos & urbem fluvius interesset. Eo ergo die omnibus in triremes & alias naves sese recipientibus, Rex cum Legato Ponti-

Rex Lodo-
vicus Cru-
cem præ-
fert exerci-
tui.

Legatus
Pontificis in
bello.

Saracenos
vincit Cru-
cis virtute.

ficis sacrosanctam gestans crucem nudam & apertam, in cymba vehabatur, juxta cum præcedente in alia cymba B. Dionysii vexillo, fratribus quoque illius, & aliis nobilibus, & sagittariis comitantibus; atque ita in terram egressi sunt multis in hostes contortis telis, qui eos arcere magna vi nitentur. In ea concertatione pene nulli ex Christianis vulnerati sunt; permulti autem Saraceni; & eorum equi interfecti; & in iis tres procures. Eodem die profligatis Saracenorum triremibus Christianorum trirèmes fluvij ostia occuparunt. Hisce tam prosperis initiis feliciores etiam successus Dominus adjecit. Perterritis enim, qui intra urbem erant Saracenis, virtute divinâ omnes in fugam versi ex urbe excesserunt instructis prius ignibus, quibus urbs conflagraret. Multi itaque ex castris Regis per pontem navalem, quem satis integrum reliquerant Saraceni, in oppidum ingrediuntur. Rex quoq; certior factus nonnul-

los

los è
fuis
scret
tus i
ita u
tatem
Prosp
temp
potiu
enda
à me
gatâ
Pont
mita
scop
cor
Rex
pedi
non
gress
quan
set,
hono
ab e
tum

xilijs

los è suis intromittit, fixis tentoriis suis ad pontem, ut si ita res posceret, suis suppetias ferret. Multus ibi commeatus repertus est; ita ut multi affirmarent eam civitatem vi capi minimè potuisse. Prospexerant enim sibi in longum tempus Saraceni; ita ut divino potius miraculo ea victoria tribuenda sit. Deinde verò eâ civitate à mortuorum cadaveribus repurgatâ, igneque extincto, Legatus Pontificis cum Patriarcha Jerosolymitano, cum Archiepiscopis, Episcopis, & magnâ parte eorum, qui convenerant; itemque Ludovicus Rex cum permultis aliis, ^b nudis pedibus, præsentè Rege Cypri cum non paucis nobilibus in urbem ingressi sunt. Cùmque legatus ædem quandam profanatam reconciliasset, & gratias egissent DEO, in honorem sanctissimæ Matris DEI, ab eodem Legato sacrificium oblatum est.

Gratias
humiles
git DEO.

A Non puduit S. hunc Regem vexilliferi munere in exercitu fungi, &
• Cru-

Crucis Dominica salutare signum cunctis præferre. Aderat porro tunc Legatus Summi Pontificis, Quid ni enim in exercitu Catholico Pastoris omnium Christianorum legatus adfuisset? Moyses cum Madianitis bellum gesturus duodecim millia expedivit militum cum Phinees filio Eleazari sacerdotis, ut sacra tradit historia, vasa quoque sancta tradidit ei. Quæ vasa erant Arca cum tabulis legis, Cherubim & propitiatorio. Hac enim secum deferebant Judæi cuntes ad bellum; ut scilicet ita quasi DEUM propitiatorio insidentem secum devehèrent, qui castra hostium suâ præsentia dissiparet. Phinees quoque sacerdos ad hoc bellum est profectus ut sacris præesset.

B Humilis gratiarum actio obientem victoriâ.

XIV. Exemplum Joannis Corvini & B. Joannis Capistrani, contra Turcas in Ungaria pugnantium.

Ex

Antonio Bonfinio de rebus Ungar. Decade

lib. 8. O. CH. 15. V

Capta Constantinopoli à Tur-
cis Joannes Corvinus, qui ad
protegendas inferioris Ungariæ o-
ras regia autoritate constitutus erat,
neque animo excidit; neque con-
silio defuit. Inprimis Capistra-
num ad hanc obsidionem sibi
collegam affiscit. ^a ut alter hu-
manis, divinis alter viribus nitere-
tur: consulit quid potissimum vi-
deatur agendum. ^b Ille bono ani-
mo esse jubet, quando non medio-
crem cruce signatorum exercitum
è Germania se conflasse fatetur;
quamvis hæc gens Ungarico ab
antiquo sit infesta bello: in com-
muni tamen causa & necessitate mi-
nimè defuturam arbitratur, quin &
totam se Ungariam post Constans-
tinopolitanam captivitatem in Tur-
cas concitasse referebat. Interim
Corvinum cætera, quæ ex usu belli
sunt, curare jubet: hæc se in tem-
pore auxilia daturum pollicetur:
demùm ad hanc capeffendæ immor-

B. Capti-
stranus so-
cius in bel-
lo Corvini.

Abducit
milites cru-
ce signatos.

calica-

talitatis occasionem incendit. Is
 veteres nos omnes, ac alios specta-
 tæ virtutis milites cogit; classem
 mirâ alacritate in Danubium parat:
 cùm Turcam quoque multa in
 Ponto navigia parasse didicerat.
 Calixtus Pontifex imminentis pe-
 riculi non ignarus, Joannem S.
 Angeli Cardinalem, virum sapien-
 tia & magnanimitate præstantem
 in Germaniam Pannoniamque mi-
 serat: ut septentrionalis plagæ gen-
 tes, quantum in se foret, in dirum
 hostem concitaret. Interim rumor
 affertur Machumetem centum &
 quinquaginta millia hominum ad
 obsidendam Albam ducere: in sum-
 ma rerum omnium trepidatione
 versatur Ungaria. Corvinus &
 Capistranus, cum forti animo suo
 uterque exercitu ad protegendam
 Albam properârunt; classem com-
 meatibus militibusque oneratam
 deducunt. Cardinalis Budæ sub-
 stitit, ut apud Regem cætera cu-
 raret. Itaque Capistranus cum suis
 bellatoribus, ut alter Josue proce-

B. Capistra-
 nus præce-
 dit exerci-
 tum cum
 cruce.

debat

debat cum baculo, in cuius summitate
 erat signum Tau, quo eos animo-
 siores audacioresque reddebat. De
 quo illud memorabile fertur: Cum
 celebraret Missam ante Belgradum, ^{Promittitur}
 sagitta coelo delapsa in medio aræ ^{ei cælitus vi-}
 ante oculos servi Altissimi apparuit ^{ctoria.}
 his aureis verbis insignita: EST O
 CONSTANS JOANNES. Ita ille
 animatus suos ad confligen-
 dum cum hoste adhortabatur sup- ^{Hortatur}
 plex Servatoris crucem amplexus, ^{milites ad}
 divinamque opem præsentem af- ^{pugnam.}
 futuram promittens. Illi appetere
 magis quam formidare gloriosam
 mortem visi, ad pugnam promptis-
 simi Turcis occurrunt. Unum eis
 oberat quod animo potius quam
 corpore armati essent, gladiis tan-
 tum & lanceis instructi, pauci se
 galea & thorace protexerant. Vi- ^{Victoriam}
 ctoriam tamen memorabilem de ^{obtinet.}
 hoste instructissimo & potentissi-
 mo reportarunt, divina magis
 quam humana ope freti. Ferunt
 Mahumetem Turcarum Impera-
 torem nunquam postea cladis in
 eo bello acceptæ meminisse, quin
 men-

mentum barbamque demulcens
quassansque caput ei dici maledi-
xerit, qua pugnam ad Albam con-
seruit.

A *Praclara societas in bello virium
humanarum divinarumque.*

B *Ecce infirma mundi eligit DEUS
Capistranum hominem religiosum, à
seculi curis alienum, militiae Christianae
ductorem esse vult, cum indubia spe
victoriae. Nova bella eligit. Domi-
nus. Felicissimè succedunt pugnae, quae
non solis humanis consiliis geruntur.*

*Memoras porro Bonfinius ibidem in hoc
prælio trecentos è Polonis fuisse, qui
religionis ardentissima gratiâ sumptu
sanctae Crucis cesserat stipendia faciebant.*

*Idem Bonfinius hæc addit: Cum
duo duces, alter oratione, manu
alter, strenuè dimicarent; idcirco
factum ut in eo prælio divinæ po-
tius quàm humanæ vires, quod
Turcae non inficiabantur, enitue-
runt.*

XV. Exemplum Christiano-
rum Antiochiæ à Turcis & Sa-
racenis obsessorum.

Ex Joanne Nauclero volumine 2. Generatio-
ne 37.

Dum Christiani Antiochiæ
gravissima Turcarum & Sa-
racenorum premerentur obsidione,
fameque & rerum omnium penuria
laborarent, respexit tandem eos
Dominus; consolationemque mi-
sit: Apparuit enim cuidam clerico
B. Andreas, cui plurimum erat
devotus, commonens, quaterus
Principibus nuntiaret, ut lanceam,
quæ Domini nostri latus erat perfo-
ratum, in Ecclesia B. Petri repositam
perquirerent; eique locum cer-
tis ostendebat indicis. Quod cum
recitarent, & ipsi ad ejus suggestio-
nem in eo loco effossa aliquantulum
terra lanceam, sicut clerico illi osten-
sum fuerat, invenerunt. Hoc audi-
ens populus, tanquam de immissa
ei coelitus consolatione, coeperunt à
suis anxietatibus relevari, iterum-

B. Andree
as ostendit
defossam
huius lance-
am Christi

Christiani
bonam
spem con-
cipiunt.

q̄; voto se & iuramentis obligarunt, quòd ab invicem non discederent quousque authore Domino urbem suæ restituerent libertati. Igitur

Jejunant. ^a præmissò jejunio & indicta die pugnae, cùm 26. diebus afflictione mirabili plurimùm laborassent; præcedenti nocte dum arma equos-que præparant, somno locus non datur. Mane factò, circa crepuscu-

Confiten-
tur & com-
municant. ^b sacerdotes & ministri Domini per Ecclesias diuina celebrantes, populum antequam ad prælium egrederetur, de peccatis suis prius humiliter confessum, corpore &

Divinitus
eis vires ac-
cedunt. ^c sanguine Domini munierunt: quo factò tanta eis divinitus iniuncta est gratia; ut qui pridie lumina vix attollere poterant, nunc prodeuntes victoriam sibi promittere ausi-

Benedi-
cuntur ab
Episcopis. sint. Episcopi verò & sacerdotes sacris induti populum benedicebant. Itaque summo diluculo jv. Cal: Iulij duodecim acies instruxerunt, quarum ultimam, quæ erat cæteris amplior, tenebat illustris Princeps Boemundus. Accidit au-

tem,

tem,
sim
tiffin
nedis
retur
dictu
sper
mun
stue
tur.
Inter
urbe
tum
es ne
unt:
ced
doti
acer
tis
ced
scrip
Cor
ad c
tam
tan
pias
mar

tem, ut egressis ros quidam suavissimus, modicus tamen, sed gratissimus descenderit, quasi in benedictionem & gratiam suam videretur infudisse Dominus. Mirabile dictu, quicumque eo imbre conspersus est, tantum concepit animum; ut nihil laboris, nihil molestie in tota illa expeditione videretur. Idem in equis fertur apparuisse. Interim hostes accepto nostrorum ab urbe egressu acies instruunt. Ventum est ad pugnam: primæ tres acies nostrorum viriliter in hostes irruunt: sequentes aliæ non minus præcedentes lancea Domini cum sacerdotibus. Pugnatum est illo die acerrimè; tandem hostes dissolutis cuneis vertebantur in fugam & cædem in hostibus factam omnes scriptores in centum millia referunt. Consummato itaque prælio nostri ad castra hostium redeunt, ubi tantam reperiunt rerum opulentiam, tantas Orientalium divitiarum copias; ut jam auri, argenti, gemmarum, neque numerus esset, neque

Rore deala forecreantur.

Sacerdotes cum lancea Domini præcedunt exercitum. Victoria consecuta memorabilis.

mensura; equorum etiam & armentorum, annonæ quoque & victualium reperta est tanta abundantia; ut jam nescirent quid eligerent. Hæc potiti sunt victoria Anno Domini 1098. 28. Junij.

A *Jejunio quoq; fuit armatus exercitus Jude Machabei. Dixerat enim ei miles adveniantibus Syris;*

1. Mach. 3. Quomodo poterimus pauci pugnare contra multitudinem tantam & tam fortem, & nos fatigati sumus jejunio hodie? Quibus Judas ait; Non in multitudine exercitus victoria belli, sed de coelo fortitudo est. Eodem Duce cum *A. rigocho* pugnatus universus exercitus cum *fle-*
2. Mach. 13. *tu & jejunio per triduum continuum divinam misericordiam imploravit.*

B *Confessionis & Sacrosanctæ Eucharistiæ sacramenta usurpanda ante conflictum.*

C *Robur divinitus additum milibus Sacrosanctæ Eucharistiæ refectis. Parasti, dicebat David, in conspectu meo mensam adversus eos,*
qui

qui tribulant me; & misericordia tua subsequetur me. Psal. 22.

D *Præſagium futura victoria, & ſignum præſentis auxilij divini, ros de cælo militibus ſuperfuſus.*

E *Jejuni & debiles ſaturorum & fortium caſtris potiti ſunt.*

XVI. Exemplum Ladislai Jagellonis Poloniæ Regis cum Crucigeris pugnaturi.

Ex Cromero lib. 6. & Herbuto lib. 13. cap. 5.

Proſciſcens Ladislâus Rex ad bellum Pruſſicum, quacunque iter ſequebat, a proſuſa in egenos largitione utebatur. Quum autem *Slupia* oppidum ſub *Lyſſacenſi* monaſterio ſitum perveniſſet: biduo ibi commoratus, diluculo^b ad ædem ſacram in excelſo monte poſitam, & ligno Crucis Chriſti celebrem, pedes aſcendebat: quum totum diem precationi flexis genibus in templo vacaſſet. Quum primùm verò cum exercitu hoſtium fines attingit; expandit

Jagello præparat ſe ad bellum eleemoſynis. Pedibus aſcendit ædem ſacram ſanctæ Crucis.

Genu flexus ibi totam diem orat.

Invitus ad
certamen
cum Chri-
stianis de-
scendit.

acies in longè patenti planitie, ac-
ceptumque manu sua vexillum
„ maximum suspirans & lachryma-
„ bundus ita fatur; ° DEUS Op-
„ time Maxime, non modò fa-
„ ctorum aut dictorum, sed & co-
„ gitationum omnium cognitor:
„ tu mihi testis es locupletissim us
„ me invitum cum Christianis qua-
„ libus qualibus, Christianis ta-
„ men ad hoc bellum descende-
„ re maximis & intolerabilibus
„ Crucigerorum injuriis provoca-
„ tum, & officio meo adductum, ut
„ populos abs te curæ & fidei meæ
„ concreditos, de rapacibus & cru-
„ entis eorum manibus & insantiis
„ contumeliis vindicem. Tu nosti
„ consilia pacis me nunquam defu-
„ gisse: & vel iniqua pace bellum
„ justum redimere cupivisse: sed
„ quando apud homines suæ cu-
„ piditati insatiabili, & irreligiosæ
„ superbix modum nullum statu-
„ entes, mansuetudine & patientiâ
„ nil proficio, tuæ justitiæ fiduciâ,
„ justa piaque arma sumpsi; tuis-

quæ

„que auspiciis vexillum hoc nunc
 „explico. Tu quæso iustiori cau-
 „sæ faveto: & sanguinem Christi-
 „anorum hominum, qui immani-
 „ter à Crucigeris trucidati sunt;
 „quosque hoc bellum utrinque
 „absument, ab illis qui causam de-
 „derunt, expetito. Hæc Rex
 „collachrymante omni exercitu.
 Idem fecere deinde Vitoudus &
 Masovii Duces, atque Proceres
 Pooni & Lithvani: Poloni verò
 absteris lachrymis Carmen^d pa- Exercitus
 trium, sive Pæana, Virgini Ma- ejus Bogá-
 tri DEI dicatum, Bogarodzicá, szicá
 quod D. Adalbertus Archiepisco- canit.
 pus & Martyr Polonis tradidit, ce-
 cinere. Mox ad Luterbergam ca-
 stra mota; quo in loco detestan-
 da atque horrenda res accidit.
 Nam duò Lithvani sanctissimum
 CHRISTI JESU corpus, quod
 in templo de more apud Christi-
 anos asservatur, profanè in ter-
 ram de argenteo ferculo abjece-
 rant: e qua re commotus Rex au-
 ctiores sceleris perquiri jussit: qui

Sacrilegos
 milites pu-
 nit.

jussu Vitoudi ipsi sibi furcam exci-
tarunt, & suis uterque manibus,
barbaro quidem, sed patrio more
se se suspenderunt: objurgantes se
mutuò, ne sua cunctatione iram
Principis in se accenderent, quasi
is atrocius etiam aliquid in eos pos-
set statuere. ^f Nec ferè tale quippi-
am postea designatum est tenitis
cunctis duorum supplicio. Rex au-
tem quum non facta re divina præ-
ter morem castra movisset propter
noctem præcedentem tempestatibus
inquietam, & ventos flantes, qui
Crucigerorum etiam tentoria disje-
cerant; apud Grunevaldum pagum
erecto tentorio & rei divinæ vaca-
vit. Interim verò ei nuntiatur ab ex-
ploratoribus alio super aliū accuren-
tibus hostes adesse: ad extremum
veniens & ipse Vitoudus nuntiat ho-
stes in conspectu esse: ni maturetur
in imperatos impetum daturus: nec
tamen avelli Rex ab altaribus, do-
nec sacra peragerentur, potuit. Po-
stea à Zindramo & Vitoudo acies
instructæ: lævum cornu Poloni,
dextrum

Missam
reverenter
audire.

Nec ab ea
se avelli in-
stantibus
hostibus
patitur.

dextrum Lithvani tenuere : quin-
 quaginta fuere signa Polonica, Li-
 thvanica quadraginta. Jamque Rex
 peractis sacris armatus in aciem
 prodibat; quum ex hostili acie duo
 caduceatores progressi, quod man-
 data ad Regem à Magistro se ferre
 significabant, intacti ad Regem de-
 ducti sunt. ^h Horrabantur autem
 Regem ij Magistri nomine, ne tam
 cunctanter & meticuloſè pugnam
 iniret: & quò incunctantiùs id fa-
 ceret, duos gladios strictos Regi &
 Vidoudo obulere, ut velijs adver-
 sus Crucigeros uteretur. Rex pla-
 cide & modeste caduceatoribus re-
 spondit. Quamvis armorum sa-
 tis habeat in exercitu, accipere se
 tamen in DEI nomine gladios, ab
 hoste contumeliæ causa missos: at-
 que ita accipere, ut omen victoriæ,
 quam sibi armorum traditio por-
 tendebat. Accepti gladij in ærario
 Regio in hanc usque diem asservan-
 tur. Mox Ladislâus paucis pro
 tempore milites cohortatus canere
 signa jussit; simulque exercitus
 omnis

Gladios sua
 perbè ab
 hoste obla-
 tos accipit.

Modestè
 respondet.

Milites co-
 hortatur.

Bogaro-
dzicâ cani-
tur.

Divus Sta-
nislâus
visus in hoc
prælio no-
stros con-
firmasse.

Gratiæ so-
lennes in
DEO pro
victoria a-
guntur.

omnis i patrium Pæana cecinit, ac demùm divino beneficio victore evasit. Fertur autem à multis ex utroque exercitu per omne tempus prælij conspectus esse in aère venerandus pontificali habitu vir dimicantes nostros confirmans, hostibus verò terrorem incutiens: k atque is D. Stanislâus Episcopus Cracoviensis fuisse creditur. Et affuit sanè Polonis non obscure divinum auxilium in eo præho. Nam de nobilioribus Polonis pauci cecidere. In sequenti die sacris imprimis DEO solenni pompa peragendis, hymnisque jussu Regis vacatum est; m hinc cæsorti funeribus cura impensa: exhibiti deinde omnes captivi, ac cæteri quidem omnes sponsione militari à Sbigneo Marsalco obligati, ut se ad diem S. Martini Cracoviæ sisterent, jussu Regis dimissi, dato etiam pro cuiusque conditione viatico: Casimirus verò Scecinensium & Conradus, Olesnicensium Duces, ac cæteri in Poloniam missi, per arces aservandi distributi sunt. Dimissus deinde

deinde in Poloniam veredarius cum nuncio victoriæ ad Archiepiscopum, Episcopos, ac Præsides Academicæ, celeriter cunctam Poloniam immensa lætitia affecit, quam obrem tolemnes supplicationes apud omnia templa habitæ, diesque tam insigni victoria memorabilis, quo Divisio Apostolorum Christi representatur, inter festos relatus.

Dies anni.
versarius vi-
ctoriæ sa-
cer.

A Eleemosynis & orationibus felix eventus belli à DEO postulandus. Sic Asa Rex Juda, Josaphaz similiter, & multi alij leguntur in divinis literis orationi ante prælium vacasse, quorum orationes infra describuntur.

B Humilitas Regis pedibus ædem sacram ascendens. Humilium siquidem DEO placet deprecatio. *Judith. 9.*

C Ostendit Ladislàus Rex bella non temerè movenda; præsertim contra Christianos: sed quando tentatis primùm omnibus alijs medijs, pax publica ob superbiam & temeritatem hostium obtineri nisi armis non potest. Pacem habere debet voluntas, ait. S. August. Epist. 202.

bel-

bellum necessitas ut liberet DEUS a necessitate; & conservet in pace.

D Quo alio cantu melius Mars Christianorum militum accendi, & animi ad certamen bellicum inflammari possunt, quàm quo DEUS & sancti ejus laudantur, & patroni atque auxiliares invocantur? Josaphat Rex Juda statuit cantores Domini, ut laudarent eum; & antecederent exercitum; ac voce consona dicerent; Confitemini Domino quoniam bonus, quoniam in æternum misericordia ejus. *Estq; cantum hunc admirabilis illa de Senacherib victoria consecuta.* Nicanor ut in sacra Machabæorum historia legimus, & qui cum ipso erant, cum tubis & canticis admovebant. Judas verò & qui cum eo erant, invocato DEO per orationes congressi sunt; manu quidem pugnantes sed Dominum cordibus orantes: ita factum ut signis collatis Nicanor ceciderit, & 35. millia hostium fusa sint. Vetus mos Polonorum erat a tequam cum hoste confugerent, patria lingua & voce, Canticum vulgò Bo-

2. Paral.
20.

2. Mach.
cap. 12.

Bogárodzicá dictum occinere, quo & fidem Catholicam profitebantur: & opem B. Mariæ Virginis, & aliorum Calitum suppliciter implorabant. Nunc grafsantibus hæresibus mos hic pius & salutaris exolevit, merito postliminio revocandus.

E Metuebat scilicet pius Rex, ne istorum impiorum hominum facinoris pœnas universus lueret exercitus, sicuti olim unius Achan sacrilegium in universum Josuanum exercitum redundavit. Cavendum est omnibus Christi fide insignitis, monet Concil: Aquisgranense, ne propter aliorum sacrilegium factum, nec secum quod absit Dominum habeant, nec coram inimicis suis stare prævaleant. Patratores sacrilegi facti magnopere cavere oportet; ne propter suam cupiditatem, quam erga res DEO sacratas exercent, sibi instar Achan mortem æternam, aliisque DEI offensam, & coram hostibus suis acquirant miserabilem ruinam. &c.

Lib. 2. c. 2.

F *Pœna unius est correctio omnium*

uti

uti contrà scelera crescunt impunitate. Disciplina castrorum antiquior fuit, ait *Juriscos*. parentibus Romanis, quam caritas liberorum. Hac laxata vel dissoluta necesse est vires exercitus quantumvis magni labascere, & veluti corporis compagem nervis succisis dissolvi. De qua præter suprà commemorata hæc præterea liber annotare. Partes ejus non postremæ in milites rapaces vel dissolutos severè animadvertere: Nescio enim quo pacto assiduè dimicantibus difficile est morum custodire mensuram: dicebat Rex *Athalaricus*, & militaribus officiis assueti justitiæ parere despiciunt. Idcirco sicubi severitate, in castris certè opus est. *Aurelianus* Imperator ita timori militibus fuit; ut sub eo posteaquam semel cum ingenti severitate castrensia peccata correxit, nemo peccaverit. Militem qui adulterium cum hospitis uxore commiserat ita punivit: ut duarum arborum capita inflecteret; ad pedes militis deligaret; easdemq; subito dimitteret, ut scissus ille utrinque penderet,

qua

Cassiod.
lib. 1. vari
ar. Epist. 11.
Vopiscus in
Aureliano

quæ res ingentem timorē omnibus fecit.
 Pescennius Niger Imperator cū intel-
 lexisset à milite suo gallinam cuidam ru-
 stico per vim ereptā, atq; ad illius epulas
 raptorē decem alios adhibuisse comites,
 ingenti labore (cū ob hoc ipsum ad re-
 bellionem spectare exercitus videretur)
 vix retentus est, quin omnes capitali
 pœna multaret, lenitaq; severitate ani-
 madversionis effecit: ut denæ per singu-
 los gallinæ, ei cui fuerat erepta persol-
 verentur: eorumq; nullus durante ipso
 bello in tabernaculo suo ignem accende-
 ret: soloq; pane & aqua vitam duceret.
 Cū Tamerlani in Asiam minorem e-
 xercitum ducenti lachrymabunda mulier
 octurrisset querens ab ejus milite nullo
 dato pretio lac parumq; casei erepta esse:
 statim consistere jussit exercitum: atque
 inde agmen ordinatim incedere, ut mu-
 lieri facultas esset eū agnoscendi, qui
 vim fecerat. Agnito igitur per pectus
 se præsentē aperiri corpus jussit, in cu-
 jus stomacho lac quod mulieri eripuerat
 inventum est. Hac severitate asseque-
 batur, ut copiæ quas habebat immensas,
 cū tutus ad castra omnibus esset ac-
 cessus.

Fulg. lib.
 2. cap. 2.

Idem. ibi

Idem.

cessus, omni commeatu semper abundarent. Pisistratus Atheniensium tyrannus, cum militem vigilis nocturnae munus obeuntem dormire offendisset, occidit: dicens se eum ut invenerat reliquisse.

¶ Et hæc quoque Fazellonis religio singularis, nonnisi re divina peracta arma capessere. Intelligebat Rex sapiens placando DEO sacrisq; ejus ritè & piè obeundis non teri tempus, nec occasionem rei benegerenda prætermitti. Satis in tempore pugnat, qui præmissa oratione DEO frectus pugnat.

¶ H Superba legatio. Venit hoc loco in mentem Nicanoris superbia, quam sacra scriptura commemorat. Cogitavit cum Judæis ipso die Sabbati committere bellum. Nonnullis verò dicentibus: Ne ita ferociter & barbarè feceris; sed honorem tribue dei sanctificationis: & honora eum qui universa conspicit; ille infelix interrogavit; si est potens in cœlo; qui agi diem Sabbatorum imperavit. Et respondentibus illis: Est Dominus vivus ipse in cœlo potens, qui jussit agi septimanam diem.

At

1 Mach.
15.

At ille ait; Et ego potens sum super terram, qui impero sumi arma, & negotia Regis impleri. Et Nicanor quidem cum summa superbia erectus cogitaverat commune trophæum statuere de Juda: Machabæus autem semper confidebat cum omni spe auxilium sibi à DEO affuturum. *Hæc ibi. Et eventus belli docuit superbiam abominari DEUM. Cecidit enim in eo bello Nicanor, & cum eo triginta quinque millia armatorum.*

1 Iterum Canticum Bogarodzicâ repetitum ab exercitu jamjam congressuro.

κ Sæpius leguntur Sancti præliis instructi, & veluti Duces bellorum fuisse. Cum vehemens pugna esset 2. Mach. Juda Machabæi cum Timotheo, ait 10. scriptura: apparuerunt adversariis de coelo viri quinque in equis frenis aureis decori, ducatum Judæis præstantes: ex quibus duo Machabæum medium habentes armis suis circumseptum incolumem conservabant: in adversarios autem tela & fulmina jaciebant, ex quo

H

&

& cæcitate confusi & repleti perturbatione cadebant. *Et alio loco:* Cum *ait*, prompto animo procederent (*scilicet contra Lysiam*) Jerotolymis apparuit præcedens eos eques in veste candida, armis aureis hastam vibrans. Tunc omnes simul benedixerunt misericordem Dominum; & convaluerunt animis, non solum homines, sed & bestias ferocissimas & muros ferreos parati penetrare. Ibant igitur prompti de cælo habentes adiutorem, & miserantem super eos Dominum. Leonum autem impetu irruentes in hostes prostraverunt ex eis undecim millia. &c. *Aliæ quoque historiae non pauca hujusmodi exempla suppeditant. Pannegyricus sextus in laudem Constantini Magni dictus memorat eo præliante vi-
sos in Gallia qui se divinitus missos præseferrebant, umbone corusci, & cælestium
Paul. Em. armorum luce terribili ardentes. Quo-
lib. 4. d: ge- rum hæc erat sermocinatio. Constan-
tis Franc. t num petimus: Constantino imus
auxilio. Baldricus Dolensis Episco-
pus*

a. Mach.
11.

Paul. Em.
lib. 4. d: ge-
tis Franc.

pus scribit, comperisse se ex his qui interfu-
erant bello Christianorum cum
Turcis & Persis ad Antiochiam: oblatam
hostibus speciem trium procerum huma-
na specie angustiorum: qui alventibus in
equis sedentes, ingens agmen pari cultu
corporis, specieq; oris ex editissimis locis ad-
versus hostes ducerent. Hos non ab
omnibus sed à quibusdam Christianorum
visos, creditosq; esse SS. Martyres, Ge-
orgium, Demetrium, & Mercurium, nec
deinde barbaris animus mensuræ aut con-
siliū suppetebant. Refert etiam Ce-
drenus S. Demetrium Martyrem, cum
à Bulgaris obsideretur Thessalonica;
civesq; ega nocte supplicationem fecissent;
eoq; unguentū, quod è martyris sepul-
chro scaturit, usi essent; spectatum in
acie Divū, ut captivi iurejurando affir-
marent dicentes, se juvenem in equo
vidisse, qui Romanam phalangem du-
ceret; ex quo ignis exiliens hostes ad-
versus cremaret. Plura externa com-
memorari possent exempla. Addam
unum domesticum S. Casimiri, de quo
illud memoriæ proditur, apparuisse illum
Litvanis cum Mosco pugnaturis, velu-

In Com.
pen. Histo. 10

et prævium ducem in àère, victoriàmq;
insignem caesis ad internecionem hostibus
attulisse.

L Gratiàs DEO agendas victorià
partâ sacrarum literarum exempla do-
cent: Jacob ereptus è manibus hostium
Gen. 35. Sichimitarum, Esau fratris, & aliorum
inimicorum, convocata omni domo sua
dixit; Surgite & ascendamus in Be-
thel ut faciamus ibi altare DEO,
qui exaudivit me in die tribulatio-
nis meæ, &c. **Iosaphat Rex Juda vi-**
2. Paral. **20.** **ctoriàm consecutus** die quarto univer-
sum exercitum in valle quadam,
acturus DEO gratias, congregavit,
que vallis ideo Benedictioris est ap-
pellata, eò quòd in ea benèdixissent Do-
minum. Iterum solennes alias egit
Domino Jerosolymis gratias cum
lætitia magna, eò quòd dedisset
ei Dominus gaudium de inimicis
suis. Cunctusque populus ingres-
sus est domum Domini cum Psal-
teriis & citharis & tubis, &c.

3. Mac. 12. **M** Habendus quoque honos est cor-
poribus casorum in prælio, Judas Ma-
chabeus corpora prostratorum in prælio
cum

cum Gorgia iulis, & cum parentibus
in sepulchris paternis sepelivis. Neq̃ so-
lū corpora talium sepulcræ sunt man-
danda, sed & delicta illorum eleemosynis
& sacrificiis expianda. Quod fecisse Ju-
das legitur ibidem: Facta enim col-
latione, duodecim millia drachmas
argenti misit Jerosolymam, offerri
pro peccatis mortuorum sacrificium.

XVII. Exemplum ejusdem
Jagellonis domi precibus incum-
bentis, & foris Russos vincentis.

Ex Herburto lib. 14. cap. 13.

Theodoretus, sive Fedco, Dux
Russorum, longē majorem
nostris habens exercitum,
nec opinantes eos aggressus est;
quum tamen deploratæ penē rei
nostrorum, divinum adfuisset au-
xilium; cæsi sunt hostes, & ad me-
diam fere noctem (quæ tunc sub-
lustris erat) fugati. Magna in ho-
ste strages edita; & duodecim si-
gna capta sunt. Abest autem lo-

Russi ex-
duntur à
Polonia,

H; cus

Rege ab-
sente DEO
supplicante.

Eadem
die rumor
de victoria
allatus Crac.

Rex ped-
bus urbem
intrat: sup-
plicationes
publicas
obit.

cus ille praelij à Leopoli non minùs
quadraginta milliaribus bene lon-
gis: & tamen quo die hæc gesta
sunt (hoc est ultimo Novembris)
quum Rex in templo (ubi tunc
totos dies transigebat) divinam
opem sedulus imploraret (non ig-
narus, cum quàm gravibus & in-
sidiosis hostibus exercitui suo res
esset) rumor de victoria sparsus
Cracoviam totam implevit: nec
auctor ejus rumoris inveniri potu-
it, ita ut vanâ exultasse lætitia ho-
mines viderentur. Sed quum po-
stero die res omnis cognita esset,
gratiis DEO actis Rex laetus Cra-
coviam venit: & ovans pedibus
urbem ingressus, apud complura
templa festas supplicationes obivit
priusquam arcem ascenderet.

*Principes pij etiam ex longinquo pre-
cibus pugnare & victoriam impetrant.
Sic Josue contra Amalechitas praelian-
te armis & viris, Moyses in vertice collis
pugnabat piis ad DEUM precibus fufus.
Cumq; levaret manus Moyses, vincebat
Israel: sin autem paululum remisisset,
supe-*

Superabat Amalec. Sic insignis illa de Tur-
cis in mari reportata à Joanne Austriaco
victoria, precibus Pij V. Pont. Max.
partea creditur. Cum enim cognovisset
classsem Christianam solvisse, in intimum
quemdam locum palatij se recepit, pre-
cesq; DEO cum lachrymis fudit, in iis
dies noctesq; perseverans: donec tandem
ex loco, in quem se abdiderat, jucundo
vultu prodire sub illud tempus, quo à
nostris debellatum est, tanquam divini-
zûs certior factus de victoria. Boleslai
quaque Pudici precibus nostri olim pro-
fligarunt Russos. Nam ipse quidem ad
bellum profectus non fuerat; domi ta-
men precibus & supplicationibus cum ca-
stissima Regina conjuge sua exercitûs
sui curam & protectionem DEO com-
mendabat.

Surius
Anno 1571.

Cromer.
lib. 9. Hist.

XVIII. Exemplum Mascezil exercitûs Romani Ducis contra Gildonem.

Ex Historia Miscella libro 13.

Mascezil sciens, quantum in
rebus desperatissimis Oratio

Mascezil
servos DEI
secum du-
cit in præ-
lium.

Cum iis
vacat jeju-
niis & ora-
tionibus.

St. Am-
brosius ei
per somni-
um appa-
ret.

Victoriam
obscure
prædicat.

hominis per Fidem Christi clemen-
tiam impetraret, Caprariam insu-
lam adiit; inde secum servos Dei
aliquos abducens: cum quibus ora-
tionibus ac jeuniis dies aliquot con-
tinuavit & noctes, pro qua re
victoriam sine bello meruit, & sine
cæde vindictam. Igitur Ardealio,
fluminis nomen est, quod fluit in-
ter Tevestem & Amedarā civitates:
ubi cum parva manu, hoc est cum
quinque millibus, ut ajunt, mili-
tum, contra septuaginta millia ho-
stium castrametatus, cum interiecta
mora excedere loco, appositæque
vallis præjacentis angustia trans-
gredi vellet, incurrente nocte Bea-
tum Ambrosium Episcopum, Me-
diolani paulò ante defunctum, per
somnia sibi videre visus est, si-
gnificantem manu, & impacto ad
humum ter baculo dicentem: Hic,
hic, hic. Quod ille prudenti con-
jectura intellexit, merito annunci-
antis Fidem victoriæ, verbo locum,
numero diem, significari. Substi-
tit ergo ac tertio demum die post
noctem

noctem orationibus hymnisque ^{M.}
 pervigilem ab ipsis coelestium myste- ^{com}
 riorum sacramentis in hostem cir- ^{one p.}
 cumfusum processit: & cum ad eos ^{pta pugnata,}
 qui primò occurrerant pia pacis ^{Pacem}
 verba jactaret, signiferum quem- ^{prius offe-}
 dam insolenter obstitentem gladio ^{rens.}
 percussit in brachio, eumque ma-
 nu debilem, ipso vulnere còegit
 primum inclinare vexillum. Quo
 viso auxiliarij Gildonis barbari il-
 lico terga dederunt. Gildo & ipse
 fugiens adscensa navi, cum in
 Africam rediisset, post aliquot dies
 strangulatus interit. Sanè idem Ma-
 scezil ^{Ma scezil}
 status rerum secundarum in- ^{desceiscit a}
 solentia & tumens, posthabito fan- ^{pristina pie-}
 ctorum consortio, cum quibus an- ^{tate.}
 tea DEO militans vicerat, etiam
 Ecclesiam DEI temerare ausus est;
 atque ex ea quosdam non dubita-
 vit extrahere. Sequuta mox poe-
 na sacrilegium est. Nam iisdem su-
 perstitibus atque insultantibus, quos
 ab Ecclesia ad poenam protraxe-
 rat, post aliquantum tempus solus
 ipse punitus est: probavitque in se ^{Perit.}

uno ad utrumque semper divinum vigilare iudicium, quando & cum speravit adjutus, & cum contempsit occisus est.

Sicut pietas & religio conciliat ducibus & exercitibus victorias: sic impietas & religionis contemptus graves affert eisdem calamitates. Feliciter rem gerebat Christianus exercitus bello sacro in Syria, quàm diu pietas in DEUM & cæterarum virtutum studium in eo vigeat; sed mox milicibus in luxum & peccata prolapsis, fortuna ipsorum

Lib. 4. cepit inclinare. Scribit P. Æmilius: hist. Franc. Sacerdotes, qui tum in castris Christianorum versabantur, per sanctæ assessorasse se nocturna specie admonitos, irene nunciarentq; ducibus & milicibus, DEUM Opt. Max. flagitiis ipsorum iracum, quod non humana ope fuso fugatoq; Solymano, beneficij cœlestis immemores minùs reverentes Superùm extitissent: eos castra quæ initio velut templum fuissent incestasse, impiæq; religionis mulieribus immiscuisse. Idcirco DEUM pœnas fame, conclusionis ac meeu propinqua moris ab eis expectere. Belisarij

lisarij quoq; ruina, quâ oppressus est; & calamitas in quam devenit, postquam contra jus & fas in Sylverium Papam multa indigna commisit, & à pristino pietatis & religionis studio descivit, nulli non cognita est. De eo sic Constantinus Manasses in Annalibus scribit:

Belisarius vir fortunatus, magnus copiarum ductor, qui formidabilem Chosròdem Persarū Regem exterruerat: qui Reges servitutis jugo subjecerat: qui gladio tot Libyæ nationes domuerat: vir denique Mavortius, & in præliis animo leonino præditus, ruinam tandem lachrymis deplorandam ruit. Factus est heu miser pupillo nudior, calicem calamitatum largiter haulit.

Hæc ille. Saul deniq; Rex dum initio DEUM coleret, ejusq; mandatis obediencem se præberet, quàm felix & fortunatus, quàm Philistæis formidabilis fuit? At postquam DEO & præceptis ejus contumax exiit, auxilio ipsius destitutus, armis Philistinorum occubuit, & regnum sibi familiæq; suæ amisit. Hæc

Psal. 134

rogo Reges & Duces intelligite: Servite

vite Domino in timore & exultate eicum tremore: apprehendite disciplinam, ne quando irascatur Dominus.

XIX. Exemplum Cyriaci Ducis Romani exercitûs contra Persas.

Ex Surio in vita S. Theodosij Coenobiarchæ II. Januarij.

Cyriacus
loca sacra
adi tante
bellum.

Monita
accepit à S.
Theodosio
Abbate.

DUX Romani exercitûs nomine Cyriacus in bello audax, in DEUM autem pius, incursionem facturum contra Persas existimavit se primùm oportere ^{currere} Jerosolymam, & illinc adversus hostes assumere auxilium. Cùm autem statuisset in transitu ire ad hominem DEI Theodosium; cum enim valde trahebat illius fama & virtutis illecebræ: dum abiret, multa alia licuit ei audire ex sacra illa lingua, & hoc inter cætera; ^a Ne(quomodo Divinus David) in arcu speraret: nec poneret salutem in gladio; sed nec in multorum hominum

num confideret millibus: unum autem sciret adiutorem, unum inexpugnabile, cui est facile ut unus mille persequatur, & decem millia profli- gentur à duobus. Hæc cum sanctus Comiti disseruisset, ita fuit ille cap- tus ab ejus admonitionibus & ita flagrare cæpit ejus desiderio & ar- denti fide, ut ipsum cilicium quo ^{Petit ab il- lo cilicium ejus.} Magnus ille interius induebatur, loco cujusvis alterius rei arma peteret, quibus se conservaret. Quod qui- ^{Idque pro armis induit.} dem cum accepisset & induisset, & consveta aggressus esset certamina, paulò post victor rediit, cum & ani- mi & manus præclara ostendisset fa- cinora, & digna quæ commemo- rentur. Cum rebus ergo fortiter in bello gestis insignis & clarus es- set reversus, nequaquam ingratus fuit in benefactorem; neque ut multi, qui postquam sunt conse- cuti, obliviscuntur beneficii: sed so- similem conservans in omnibus, rursus venit ad sanctum cum vehe- menti cordis exultatione, & gratias agens & ei universam adscribens vi-

• Etori-

Storiam dicebat enim; Illo ipso tempore pugnae mihi quidem, cum pro thorace tuum induissem cilicium, veniebat in mentem confidere, & in hostes irruere. Cum autem manus conseruissemus magnae exoriebantur tenebrae tanquam in densa caligine: & ab aliis quidem omnibus ea etiam, quae prope erant, cerni non poterant: ego autem te solum mihi videbar videre me praecedentem, & manu significantem & admonentem, ut has quidem praelii partes dimitterem, in has autem pugnarem, & te duce, equum agere; donec conspectus terribilis & intolerabilis inimicis, vehementi terrore omnibus injecto efficerem, ut se conjicerent in pedes, & turpem fugam lubenter eligerent.

Apparet
ei praelianti
S. Theodosius.

^a Sic Amasiam quoque Regem Juda Vir DEI admonuit: Si putas in robore exercitus bella consistere, superari te faciet Dominus ab hostibus: DEI quippe est adjuvare, & in fugam convertere. In lib. 2. Machab. describitur apparatus Timothei

^a Par. 27.

thei & Judæ Machabæi. De Machabæo quidem dicitur, habuisse illum sponforem victoriæ & prosperitatis, DEUM cum virtute. Ecce duo præclara illustrium victoriarum parandarum instrumenta, DEUS, & virtus, robur scilicet militum. De Timotheo verò dicitur, habuisse illum belli ducem animum, id est de viribus & robore exercitûs præsumptionem: sed hos qui belli ducem animum solum habebant, superârunt & profligârunt illi, à quorum partibus DEUS & virtus stabant.

XX. Exemplum Britanno-
rum pugnantium cum Saxoni-
bus & Pictis Duce S. Germano
Episcopo Altisiodorensi.

Ex Venerabili Beda libro I. Histor. cap. 20.

SAXONES, Pictique bellum adversus Britones junctis viribus susceperunt, quos eadem necessitas in castra constrinxerat; & cum trepidi partes suas penè impares judicarent, sanctorum Antistitum auxilium petierunt. Qui promissum maturantes adventum, tantum

Saxones,
Pictique e.
vocant ad
castra Epi-
scopos.

• secu.

securitatis & fiduciæ contulerunt,
ut accessisse maximus crederetur e-
xercitus. Itaque Apostolicis duci-
bus Christus militabat in castris.
Aderant etiam Quadragesimæ ve-
nerabiles dies, quos religiosiores

illi in ca-
stris fre-
quentes ha-
bent conci-
ones.
Plurimos
baptisant.
reddebat præsentia Sacerdotum in-
tantum, ut quotidianis prædicatio-
nibus instituti certatim ad gratiam
baptismatis convolarent. Nam ma-
xima exercitus multitudo undam
lavacri salutaris expetiit. Ecclesia
ad diem Resurrectionis Dominicæ
frondibus contexta componitur, &
in expeditione campestri instar ci-
vitatibus aptatur: madidus bapti-
smate procedit exercitus, Fides fer-
vet in populo: & contempto ar-
morum præsidio Divinitatis ex-
pectatur auxilium. Interea hæc in-
stitutio vel forma castrorum ho-
stibus nuntiatur: qui victoriam
quasi de inermi exercitu præsumen-
tes, assumpta alacritate festinant:
quorum tamen adventus explora-
tione cognoscitur. Cumque emen-
sa solennitate Paschali recens de
lava-

lavacro major pars exercitus arma
 capere, & bellum parare tentaret,
 S. Germanus ducem se praelij con-
 fiteretur. Eligit expeditos; circum-
 jecta percurrit, & è regione, quâ
 hostium sperabatur adventus, val-
 lem circumdatam editis montibus
 intuetur: quo in loco novum com-
 ponit exercitum, ipse dux agminis.
 Et am aderat ferox hostium mul-
 tudo, quam appropinquare intu-
 ebantur in insidus constituti. Cum
 subito Germanus signifer universos
 admonet, & prædicit, ut voci suæ,
 uno clamore respondeant: secu-
 risque hostibus, qui se insperatos
 adesse confiderent, ALLELUJA
 tertio repetitum sacerdotes incla-
 mant. Sequitur una vox omnium,
 & elevatum clamorem percusso
 àer montium inclusa multiplicat:
 hostile agmen terrore prostermitur:
 & ruisse super se non solum rupes
 circumdatas, verum etiam ipsam
 coeli machinam, contremiscunt: tre-
 pitationique injectæ vix sufficere
 pedum pernicitas credebatur. Pas-

S. Germanus
 ducit
 exercitum

Conclamat
 exercitus
 Alleluja.

Hostes ter-
 rentur.

Fugiant,

fin

sim fugiunt, arma projiciunt, gaudentes vel nuda corpora eripuisse discrimini. Plures etiam timore præcipites flumen, quod sensim venientes transierant, devoravit. Ulcionem suam innocens intuetur exercitus & victoriæ præstite oriosus spectator efficitur: spolia colliguntur exposita: & prædam celestis victoriæ miles religiosus adipiscitur. Triumphant Pontifices hostibus fufis sine sanguine: triumphant victoriâ Fide obtenta, non viribus.

Habende sunt in castris frequentes ad milites conciones, quibus & à vitiis deterreantur; & ad DEI cultum, pœnitentiam pro peccatis agendam, de cœlo auxilium implorandum, mortem præ oculis habendam, fortiter pro patria dimicandum excitentur. Hæ sunt cubæ sacerdotales Evangelicæ, a quorum clangorem muri Jericho corruunt.

XXI. Exemplum Henrici Aucupis Imperatoris contra Ungaros pugnantis.

Ex

Ex Cranzio lib. 3. Metrop. Saxonia. cap. 2.

Profecti Ungari in Turingiam pervenerant, cum Regi Henrico repentinus affertur nuntius de hostium insolenti agmine. Jam perniciofa ægritudine Rex laborabat: & tamen supra vires egit, ut arma per quatrimum quanta poterant jungerentur. Accedere voluntarii omnes in hostes Fidei; & pietatis officium non gravatè obibant, scientes quid præmii sit constitutum in eo deficientibus, quid etiam periculi si non modò pro libertate depugnent. Jam ad urbem Mesborg nuntiantur hostes castra fixisse. Rex autem expeditum jam habens agmen equitum peditumque fidenter movit in hostes. Ubi sub mutuum aspectum venere exercitus, clamor exoritur, à Christianis quidem Kyrie eleison, ab Ungaris autem perfidis tartaræus stidor insonat, hui, hui, hui: mar-

Henricus
Imperator
æger accin-
git se ad
prælium.

Exercitus
ejus canit
Kyrie elei-
son.

Ungarum
vincit.

ploratum possit auxilium: quid
etiam in armis miles fiduciæ ferat.
Sternuntur perfidi sine numero:
capiuntur multi: cœlesti munere in-
signis ac mirabilis victoria Regi
provenit. Ungari qui superfuere,
laceræ velut navis fragmenta colli-
gentes, noctibus se subducunt.

Oratitudo
pro victo-
ria.

Rex victor in laudes conditoris DEI
resolutus ejus gratiæ deputavit vi-
ctoriam. Tributa quæ hostibus
penderet, vertit in usus pauperum.

Psal. 146.

Non in fortitudine (ait *Psalmes Re-
gius*) equi voluntatem habebit Do-
minus: nec in tibiis viri beneplaci-
tum erit ei. Beneplacitum est Domi-
no super timentes eum, & in eis qui
sperant super misericordia ejus.

XXII. Exemplum cujusdam
Præfecti arcem Nienhusen con-
tra Molcos defendentis, anno
1381.

Ex corpore Histor. Polonic. tomo. 3.

Oppugnabant Mosci arcem
Nienhusen anno 1381. cui op-
pugna-

pugnationi magnus Moscoviae
 Dux ipse intererat, unâ cum tre-
 centis militum millibus. Ac tan-
 dem post diutinam & pertinacem
 obsidionem & crebras irruptiones,
 moenia & propugnacula labeface-
 re Mosci inceptant: obsessi cum
 hostium assultum diu sustinuissent,
 tandem in solis viribus humanis dif-
 fusi, divini Numinis clementiam
 & auxilium quotidianis ardenti-
 busque votis exposcunt. Præfectus
 ut in bellicis rebus reliquis præ-
 stabat, ita hoc quoque in negotio
 cæteris ferventior erat. Igitur qua-
 dam nocte Veneris diem proximè
 antecedente insomnis pervigilat;
 ante aram quandam prostermitur;
 orat ut in tam deplorato rerum
 statu DEUS apparere dignetur, fe-
 licemque tam gravis obsidionis li-
 berationem elargiri. Exorto sole,
 cum Rutheni certò jam arcis expu-
 gnationem sibi promitterent, exur-
 git è precibus suis Præfectus, acce-
 ptoque arcu telum ferrea acumina-
 taque cuspide in DEI nomine in

Obsessi in
 arce à Mo-
 scis ad DE-
 UM con-
 fugiunt.

Præfectus
 arcis insom-
 nis, orat.

Sagittam
jacit in in-
certum.

Moscovia
Ducem in
corde vul-
nerat.

Arcus ad
rei memo-
riam ad al-
tare suspen-
ditur.

medium Ruthenorum exercitum
è fenestra emittit, favent conatibus
superi: volat missile ferrum: & i-
phius Moscovii Principis cor trans-
figit. Concurrunt trepidi comi-
tes, dominumque ruentem suscipi-
unt. Ille manu moriens telum tra-
hit, ossa sed inter ferreus ad costas
alto stat vulnere mucro. Rutheni
magno cum ululatu Principis & Im-
peratoris sui tam funestum & lu-
ctuosum casum deplorant: arre-
ptumque funus in Moscoviam perfe-
runt. Livones hoc mirabili me-
morabilique modo liberati, arcum
perpetui trophæi loco in Basilica,
quæ ibidem in castro extructa erat,
ad altare suspendunt. Solebat in
eo templo cultus divinus quondam
magna pietate ac devotione peragi:
nunc verò perversis dogmatibus re-
ceptis nullum pristinae pietatis ve-
stigium conspicitur.

Psal. 44. Sagittæ tuæ acutæ, populi sub te ca-
dunt in corda inimicorum Regis.

Vir quidam tetendit arcum in incer-
tum sagittam dirigens: & casu percussit
Regem

Regem Israël inter pulmonem & stomachum.

X XIII. Exemplum Joannis Comneni Imperatoris Constantinop. cum Scythis præliantis.

Ex Niceta Choniata in Annalib.

JOANNES Comnenus, qui ante Michaelem Constantinopolitanum gubernavit imperium, cum bello contra Scythas suscepto inferiorem se esse cerneret: tuosque milites urgeri graviter, ac premi videret; ad DEI Genitricis imaginem, quam præsentem habebat, supplex & gemebundus accurrit; atque illius imploravit auxilium, quam sacra clata effigies adumbrabat. Res magna! statim, ut precari desit Scythicam fugavit aciem: sublatisque manibus, ut alter Moyses turmas hostiles dissipavit. Propter hanc victoriam Comnenus vota, quæ in periculo fecerat, DEO ac Virgini persolvit incolumis: ididemque festum in rei gestæ memoriam,

Joannes Comnenus in periculo belli invocavit DEI Matrem ad ejusdem effigiem.

Ejus ope Scythas fugat.

Pro victoria diem festum Virgini dicat.

D. Virgi-
nis imagi-
nem fecit
triumpha-
re in curru
imperiali.

Ipse pedes
sequitur
crucem te-
rens.

Lib. 1. Mä-
rial. 28. 9.

anniversariasque ferias quotannis celebravit ad posterosque transmissit. Dùm verò de hostibus triumpharet, & quaternos candidissimi coloris equos junxisset ad currum, sedere ipse noluit, sed in apparatusissima rheda præpotentis DEI Mariæ imaginem collocavit. Cùmque habenas suis propinquis, & exprima nobilitate viris tractandas moderandasque dedisset, manu ipse prætenta cruce triumphalem currum pedes sequebatur. Inde templum ingressus cùm gratias audiente populo, Christo, ejusque Matri supplex egisset, in palatium se recepit.

In hac loco subjungere ad promotionem vendam erga D. Virginem militum pietatem & religionem clarissimi & sanctissimi Vngariæ Regis Stephani exemplum. Huic ergo ut pluribus ex Bonfinio demonstrat Canisius, familiaris mos fuit, ut non se ipsum modò sed & filium Emericum, ac totum Pannoniæ regnum in singularem Mariæ perpetuæ Virginis tutelam frequenter ac reveren-

ter offerret. Qui cùm aliquando hostium injuria laceffitus bellum ad suos tuendos necessarium pararet, imprimis operam dedit, divinam ut opem manibus & corde sursum erectis imploraret, simulq; Mariæ tanquam Matri & Dominae suæ, vim ab hostibus illatam suppliciter commendaret. Vide autem quàm id faciebat religiosè: Si placet tibi, dicebat, Domina mundi, tuæ partem hæreditatis ab inimicis devastari, & novellam Christianismi plantationē dissipari, ne, quæso finas illud imputari diffidentiaæ meæ, sed potius dispositioni voluntatis tuæ. Si quid commeruit culpa Pastoris ipsius, luat: oves quæso insontes ne patiaris affligi. *Quantum verò fiducia in Maria collocatum haberet, satis est hac precatōne moriens testatus:* Regina cœli, mundi inclyta reparatrix (ob genitum scilicet Orbi Redemptorem) tuo patrocinio sanctam Ecclesiam cum Clero & Episcopis, regnumque cum Primatibus & populo tuis precibus commendo: quibus ego nuno vltimū valedicens

animam quoque meam tuis manibus committo. Hac ille verba coram Regni sui Primoribus protulit, ardenti quadaam & suprema obtestatione confirmans, quod maxime in votis habebat, Mariam ut Ungari præ cæteris gentibus sibi Matrem Patronamque perpetuam retinerent. Eam enim sibi commendatis multum opis atque subsidij apud DEum Opes Max: posse impetrare, sicut postea Ungari re ipsa deprehenderunt. Ex quo tempore Ungari cæpere esse solenne, ne à sui Regis Stephani vestigiis moribusque discederent, Mariam Dominam reverenter appellare; ejus Basilicas & domi extruere, & foris ornare: ad ejusdem nomen corpus caputque submitterent: hujus & imaginem in pretio passim habere: & aureis etiam nummis imprimere. Atque hunc illi spiritum hæc pietatis exercitamenta cum primo fidei Christianæ lacte inde ab initio imbiberunt: hanc disciplinam primi Doctores ac Principes, qui nomen Christianum illic professi sunt, tam inclytæ genti jam olim traditum reliquerunt. Verum enim vero quanto longius ab hac
prima

prima institutione Ungari deflexerunt, seq̃ veteri epitheto, quo S. Maria familia dicuntur indigniores præstiterunt: tantò sanè minus patronam illam sibi faventem experti sunt: ac nostro etiam seculo experiuntur. Igitur quæ illorum Respub. sub tali patrona prius pulcherime stabat, & cum quovis florentissimo Regno certabat: nunc eheu, fœdè dilacerata jacet, & partim à Mahometanis canibus majorem in modum oppressa se vix movere jam & respirare potest: partim ab Ecclesiæ Catholicæ corpore avulsa, & in sectas varias dissecta multorum capiteum nobis horrendum quasi monstrum, aut certè corpus planè saucium, & veluti confectum refert, nullam ut illic speciem vel umbram pristini regniq̃ splendoris agnoscere liceat. *Hac Canisius.*

SS. Ambrosii & Augustini
monita militibus pernecessaria.

Ex sermone 66. S. Ambrosii.

Nonnulli fratres, qui aut mi- Nem inem
potest à pia
& Christia-
litæ cingulo detinentur; aut
in a- ana vita ex-

excusare mi-
litia.

in actu sunt publico constituti; cum peccant graviter, hac solent à peccatis suis prima se voce excusare, quod militant & ne bene aliquando faciant occupatos se malis actibus conqueruntur: perinde quasi militia hominum, non voluntas in culpa sit: ita quod ipsi gerunt, officiis suis adscribunt. Non enim militare delictum est, sed propter prædam militare peccatum est. Nec Rempublicam gerere criminofum est: sed ideo agere Rempublicam, ut rem familiarem potius augeas, videtur esse damnabile. Propterea enim providentiâ quadam militantibus sunt stipendia constituta; ne, dum sumptus quaeritur, prædo grassetur. Illud autem quale est, quod cum ob errorem aliquem à senioribus arguntur, & imputatur alicui de illis cur ebrius fuerit; cur res alienas pervaserit, eadem cur turbulentus admiserit: statim respondeat: Quid habebam facere homo secularis aut miles? numquid Monachum sum
pro-

professus aut clericum? Quasi omni, qui Clericus non est aut Monachus, possit ei licere quod non licet. Cunctis igitur officiis sacris literis præscribitur norma vivendi: omnis ad bene vivendum provocatur sexus, ætas, & dignitas. Igitur nemo se publicis excuset actibus: nemo de occupatione militiæ conqueratur. Apud omnem Christianum prima honestatis debet esse militia.

Ex eodem S. Ambrosio in Psalmum 118.

Militiæ
ordo.

Miles, qui ingreditur iter viandi, ordinem non ipse disponit sibi; nec pro suo arbitrio viam carpit; nec voluptaria captat compendia, nec recedit à signis: sed itinerarium ab imperatore accipit, & custodit illud; præscripto incedit ordine; cum armis suis ambulat; rectaque viâ conficit iter, ut inveniat commeantium parata sibi subsidia, si alio ambulat itinere, annonam non accipit; mansionem paratam non invenit: quia
Im-

Imperator jubet iis hæc præparari omnia qui sequuntur; nec dextera, nec sinistra à præscriptio declinat itinere; meritoque non deficit, qui Imperatorem sequitur suum. Moderatè enim ambulat; quia Imperator non quod sibi utile sed quod omnibus possibile considerat: ideo & stativa ordinat triduo ambulat exercitus; quarto requiescit die. Eliguntur civitates in quibus triduum, quatrimum, & plures interponantur dies. Si aquis abundant, commerciis frequentantur, & ita sine labore conficitur iter; donec ad eam urbem perveniatur, quæ quasi regalis eligitur, in qua fessis exercitibus requies ministratur.

Ex eodem lib. 1. de Fide ad Gratianum Augustum.

NOTA.

Petis à me Fidei libellum, sancte Imperator, profecturus ad prælium. Nosti enim Fide magis Imperatoris, quàm virtute militum quæri solere victoriam.
Nam

Nam & Abraham trecentos decem
& octo duxit ad bellum: & ex
innumeris trophæa hostibus repor-
tavit: signoque Dominicæ crucis,
& nominis, quinque Regum vi-
ctriciumque turmarum subactis ro-
bore, & ulius est proximum, &
fratris filium meruit & triumphum.
Jesus quoque filius Nave ho-
stes, quos totius exercitus manu
valida superare non poterat, se-
ptem tubarum sacerdotalium sono
vicit, ubi ducem militiæ coelestis
agnovit. Ergo & tu vincere paras,
qui CHRISTUM adoras: vincere
paras, qui Fidem vindicas.

*Ex Epistola 50. & 70. D. Augustini ad Bo-
nifacium Comitem.*

LAudo & gratulor, fili dilectif-
sime; quod inter curas bello-
rum & armorum vehementer desi-
deras ea nosse, quæ DEI sunt. Epist. 50.
Verè hinc te apparet etiam ipsa Miles virtu-
te militari
debet Fidei
servire.
ep. 70.
virtute militari Fidei servire quam
habet in Christo. Ora fortiter;
& dic DEO, quod habes in Psal-
mo: De necessitatibus meis erue
me.

me. Tunc enim finiuntur mundi necessitates, quando vincuntur cupiditates. Qui exaudivit te, & nos pro te; ut liberareris de tot tantisque periculis, visibilium corporaliumque bellorum, ubi sola ista vita quandoque finienda periclitatur; anima verò non perit, si non malignis cupiditatibus captiva teneatur; ipse te exaudiat ut interiores & invisibiles hostes, id est: ipsas cupiditates invisibiliter & spiritualiter vincas: & sic utaris hoc mundo tanquam non utens; ut ex bonis ejus bona facias, non malus fias; quia & ipsa bona sunt: nec dantur hominibus, nisi ab illo, qui habet omnium coelestium & terrestrium potestatem. Sed ne putentur mala, dantur & bonis: ne putentur magna vel summa bona, dantur & malis. Itemque auferuntur ista & bonis, ut probentur: & malis ut crucientur. Quis enim nesciat, quis ita sit stultus, ut non videat, quòd salus hujus mortalis corporis, & membro-

Vincere
invisibiles
hostes.

Ex bonis
mundi facere bene:
non fieri
malus.

rum

rum corruptibilium virtus, & victoria de hominibus inimicis, & honor atque potentia temporalis, & cætera istius mundi bona terrena, & bonis dantur & malis? & bonis auferuntur & malis? Salus verò animæ, cum immortalitate corporis, virtusque iustitiæ & victoria de cupiditatibus inimicis, & gloria, & honor, & pax in æternum non dantur nisi bonis. Ista ergo dilige: ista concupisce: ista omnibus modis quære. Propter hæc acquirenda & obtinenda fac eleemosynas: funde orationes: exerce jejunia; quantum sine læsione corporis tui potes. Bona verò terrena noli diligere, quantalibet tibi abundant. Sic eis utere, ut bona multa ex illis; nullum autem malum facias propter illa, omnia quippe talia peribunt, sed bona opera non pereunt. DEUM diligas; non diligas mundum: ut in ipsis bellis, si adhuc in illis te versari opus est, fidem teneas; pacem quæras; ut ex mundi bonis facias

K

bona

bona opera, & propter mundi bona
non facias opera mala.

*Ex ejusdem Epistola 202. ad eundem Boni-
facium.*

Milites
placere
DEO pos-
sunt.

NOli existimare neminem DEO
placere posse, qui in armis
bellicis militat. In his erat S. David,
cui Dominus tam magnū perhibuit
testimonium. In his etiam plurimi
illius temporis iusti. In his erat &
ille centurio, qui Domino dixit;
„Non sum dignus ut intres sub
„tectum meum, sed tantū dic ver-
„bo & sanabitur puer meus: nam
„& ego homo sum sub potestate
„constitutus habens sub me milites;
„& dico huic vade, & vadit, & alij
„veni, & venit: & servo meo fac hoc,
„& facit. De quo & Dominus;
„Amen dico vobis non inveni tan-
tam Fidem in Israël. In his erat &
ille Cornelius, ad quem missus An-
gelus dixit; Corneli acceptæ sunt
elemosynæ tuæ: & exauditæ sunt
orationes tuæ; ubi eum admonuit,
ut ad Beatum Petrum Apostolum

mitte-

mitteret: & ab illo audiret quæ facere deberet. Ad quem Apostolum, ut ad eum veniret, etiam religiosum militem misit. In his erant illi, qui baptizandi cum venissent ad Joannem sanctum Domini præcursores, & amicum sponsi, de quo „ Dominus ipse ait; In natis mulierum non surrexit major Joanne Baptista, & quæsiissent ab eo quid facerent: respondit eis: Neminem „ concussistis: nulli calumniam fecistis: sufficiat vobis stipendium vestrum. Non eos utique sub „ armis militare prohibuit, quibus suum stipendium sufficere debere præcepit. Majoris quidem loci sunt apud DEUM, qui omnibus istis secularibus actionibus derelictis etiam summam continentiam castitatis ei serviunt. Sed unusquisque, sicut Apostolus dicit, proprium donum habet à DEO; alius sic, alius autem sic. Hoc ergo primum cogita quando armaris ad pugnam, quia virtus tua etiam ipsa corporalis, donum

Militum
virtus corporalis donum DEI

Fides ho-
stibus
data servan-
da.

Necessi-
tate ab bel-
lum venien-
dum.

Captivi
misericor-
dia exhi-
benda.

DEI est. Sic enim cogitabis de dono DEI non facere contra DE-UM. Fides quando promittitur, etiam hosti servanda est, contra quem bellum geritur; quantò magis amico pro quo pugnatur? Pacem habere debet voluntas, bellum necessitas: ut liberet DEUS à necessitate; & conservet in pace. Non enim pax quæritur, ut bellum excitetur; sed bellum geritur ut pax acquiratur. Esto ergo etiam bellando pacificus, ut eos quos expugnas, ad pacis utilitatem vincendo perducas. Beati enim pacifici: quoniam ipsi filij DEI vocabuntur. Si autem pax humana tam dulcis est pro temporali salute mortalium, quantò est dulcior pax divina pro æterna salute Angelorum? Itaque hostem pugnantem necessitas perimat, non voluntas. Sicut rebellanti & resistenti violentia redditur: ita victo vel capto misericordia jam debetur; maximè in quo pacis perturbatio non timetur. Ornet mores tuos pudici-

de
O E-
tur,
ntra
ma-
Pa-
lum
ne-
ace.
bel-
itur
iam
uos
vin-
pa-
vo-
ana
alu-
rior
An-
an-
un-
enti
vel
tur;
atio
uos
ici-

pudicitia conjugalis: ornet sobrie-
tas, & frugalitas. Valde enim tur-
pe est, ut quem non vincit homo,
vincat libido; & obruatur vino,
qui non vincitur ferro. Divitiæ
seculares si desunt, non per mala
opera quærantur in mundo: si au-
tem adsunt, per bona opera ser-
ventur in coelo. Animum virilem
& Christianum nec debent si acce-
dunt extollere; nec debent fran-
gere si recedunt. Illud potius co-
gitemus quod Dominus ait: Ubi
est thesaurus tuus, ibi erit & cor
tuum.

Milites de-
bent esse
sobrii, pu-
dici & fru-
gales. Er-
ga divitias
quomodo
se debent
habere.

*Vetus Romanorum disciplina militaris descri-
pta à Josepho lib. 3. de bella
Judaico. Cap. 3.*

SI quis Romanorum respexerit
militiæ disciplinam, profecto
cognoscet tantum eos imperiū
non fortunæ munere, sed propria
virtute quæsisse. Armis enim uti,
non in bello incipiant; neque so-
lum si necesse sit manus movent,
cū in pacis otio cessaverint; sed
armis veluti natura coherentes nul-

Studium
indefessum
Romano-
rum belli-
gerandi.

nullas capiunt exercitationis inducias: nec tempora præstolantur. Meditationes autem eorum nil à vera contentione discrepant; sed in dies singulos militum quisque omnibus armis tanquam in prociuctu positus exercetur: quo etiam facillimè prælia tolerant. Neque enim ordo neglectus eos à consveta dispositione dispergit: neque metus stupefacit neque lassitudo exhaurit. Unde sequitur; ut semper superent, quos non itidem confirmatos invenerint. Nec erraverit, si quis eorum meditationes conflictus esse dixerit sine sanguine; contraque prælia meditationes cum sanguine. Nam ne repentino quidem hostium incurfu opprimi possunt; sed quocunque in hostilem terram irruperint, non nisi permunitis castris prælio decernunt; quæ quidem non levi opere, nec iniquo loco erigunt: nec inordinate describunt: sed si quidem inæquale solum fuerit, complanatur quatuor vero angulis.

Ordo Romanorum
in castris.

lis horum dimensio designatur. Nam & fabrorum multitudo, & ferramentorum copia quæ usus constructionis postulat, sequitur exercitum. Et interior quidem pars castrorum tabernaculis distribuitur: ambitus autem eorum extrinsecus muri faciem præfert: ordinatis etiam turribus pari spatio dispositis quarum intervalla catapultis atque balistis, & aliis machinis saxa intorquentibus omnibusque instrumentis missilium complent, ut cuncta scilicet jaculorum genera in promptu sint. Portas autem quatuor ædificant, tam jumentis aditu faciles, quam ipsis si quid urgeat intro currentibus latas. Intrus autem castra vici spatiis interpositis dirimunt: mediaque rectorum tabernacula collocant: & inter hæc prætorium divum templo simillimum prorsus, ut quasi repentina quædam civitas exstat: forum quoque & opificum stationes, & sedes militum primatibus, ordinumque principibus, ubi si qua sit inter alios ambiguitas judicent. Ipse vero ambitus, & omnia quæ in eo

sunt, multitudine simul & scientia
 fabricantium opinione citius com-
 munitur: qui si res urgeat, fossa
 extrinsecus cingitur depressa cubitis
 quatuor, parique spatio lata. Ar-
 mis autem lecti per contubernia
 cum decore atque otio in tentoriis
 agunt, omniaque ab his ordinatè
 etiam alia, cautèque per contuber-
 nia expediuntur: veluti si ligno,
 aquavè opus sit, aut frumento.
 Nec enim coena vel prandium cum
 voluerit in potestate cuiusquam est:
 simul autem omnibus somnus est,
 excubias & vigilandi tempora buc-
 cinæ significant: neque est omni-
 no quicquam quod sine edicto
 geratur. Mane autem milites qui-
 dem ad centuriones, illi verò ad
 tribunos conveniunt salutatum:
 cum quibus ad summum omnium
 ducem universi ordinum principes.
 Ille autem his signum, aliaque dat
 ex more præcepta proferenda sub-
 jectis: quibus etiam in acie circum-
 aguntur quò opus est: ac uni-
 versi pariter incurrunt: itemque
 sese

Reveren-
 tia & obe-
 dientia mi-
 litum erga
 præfectos.

seſe recipiunt. Cùm autem caſtris egrediendum eſt, tuba indicium facit: nemoque otioſus eſt; ſed vel ſolo nutu moniti tabernacula tollunt; omniaque ad profectionem inſtruunt; deinde iterum tuba, ut ſint parati, ſignificat. Illi autem cùm mulos & iumenta ſarcinis oneraverint, velut in curuli certamine, ſignum expectant. Caſtra verò incendunt eò, quòd ſibi alia munire facile ſit: & ne quando hoſtibus eadem uſui ſint. Et tamen tertio quoque tubæ ſigno indicant, ut exeatur; urgendo aliqua ex cauſa morantes, ne quis ordinem deſerat: dexterque duci præco aſtans, ſi ad bellum parati ſunt, voce patria ter percontatur: illique toties alacri & magna voce paratos eſſe ſe reſpondent; interrogantem præveniunt: & Martio quodam ſpiritu repleti cum clamore dextras erigunt. Deinde otioſè & cum omni decore progredientes ambulant, ſuum quiſque ordinem velut in bello cuſto-

Quomodo è caſtris egredi ſolent.

Arma
peditum.

diens: pedites quidem thoracibus
& galeis septi & utroque latere gla-
diis accincti. Lævus autem gla-
dius multò est longior, cum de-
xter mensuram palmæ non excedat:
qui verò Ducem stipant lecti pe-
dites, scuta & lanceas gestant: cæ-
tera manus hastas & clypeos lon-
gos, ferramque, & corbem, & far-
culum, nec non & habenam, &
falcem, & catenam, triduique vi-
aticum; ut parum intersit inter
onusta jumenta, & pedites. Equi-
tibus autem ad dexteram gladius
est longior, & contus in manu,
transversusque ad equi latus cly-
peus, ternaque in pharetra vel am-
plius dependent lata cuspide jacu-
la, nihil ab hastis magnitudine dif-
ferentia: cassides verò & thoracas
peditibus habent similes: nullo-
que armorum genere ab equitum
alis discrepant lecti, qui circum
Ducem versantur. Agmina au-
tem semper cui forte id obtigerit,
antecedit. Talia quidem sunt Ro-
manorum itinera, & mansiones,

item-

itemque armorum varietas. Nihil
verò nec in præliis inconsultum
aut subitum agunt; sed omnia sem-
per sequuntur facta sententiam:
opusque adhibetur; ante decretis.
Unde aut minimè peccant. aut si
peccaverint facilis est errati corre-
ctio. Fortunæ autem successibus
meliores consiliorum, etiam si ali-
ter successerit, arbitrantur eventus:
quasi bonum quidem fortuitum ad
rem inconsultè gerendam illiciat:
quæ verò antè cogitata fuerint,
etiamsi adversus casus exceperit,
bene jam meditados exhibeant ad
cavendum; ne idem rursus eve-
niat, & bonorum quidem fortui-
torum non is author sit cui con-
tigerint; tristium verò, quæ præ-
ter sententiam acciderint, saltem
rectè consultà videantur esse sola-
tium. Armorum quidem exerci-
tatione comparant, ut non modo
corpora, sed animi quoque mili-
tum fortiores sint. Major au-
tem illis est ex timore diligentia.

Namque leges apud eos non
deser-

Nihil in
præliis in-
consultum,
aut subi-
tum age-
bant.

Majoril-
lis diligen-
tia ex ti-
more.

Major illis
diligen-
tia ex ho-
nore.

Obedi-
entia quan-
ta.

desertionis solum, verum etiam mi-
nimæ negligentiae sunt capitales:
ducesque magis quam ipsae leges
terribiles. Namque bonos hono-
rando redimunt, ne in coercendis
noxis videantur crudeles. Tanto
autem obsequio rectoribus parent;
ut & in pace ornamento sint, &
acie corpus unum totius conspiciat-
ur exercitus. Sic eorum copula-
ti sunt ordines; ita circumduci
sunt mobiles, & acutis auribus ad
praecepta, oculisque ad signa, &
ad opera manibus: unde facere
quidem semper strenui sunt; pati
verò tardissimi, nec est ubi prae-
liantes aut multitudinem hostium,
aut consilia sensere Ducum; aut
difficultatem regionum: sed ne
fortunæ quidem succubuere. Nam
& ea certiores putant esse victo-
riam. Quorum igitur actus à con-
siliis incipiunt; consultaque adeo
strenuus exequitur exercitus, quid
mirum, si Euphrates ab oriente, &
Oceanus ab occidente, itemque à
Meridiano tractu Africae fertilissi-
ma re-

ma regio, & à septentrione Rhe-
nus & Danubius sunt imperii limi-
tes; cùm minorem esse pos-
sidentibus possessionem
rectè quis dixerit.



ORATIONES AD DEUM MILI- tares ex sacris literis de- promptæ.

ORATIO ASÆ REGIS JUDÆ.

2. Paral. 14.

Domine, non est apud te ulla di-
stantia, utrum in paucis auxi-
liis, an in pluribus: adjuva nos,
Domine DEUS noster. In te enim
& in tuo nomine habentes fiduciam
venimus contra hanc multitudinem.
Domine, DEUS noster tu es, non
prævaleat contra te homo.

ORA-

ORATIO JOSAPHAT REGIS JUDA.

2. Paralip. 20.

Domine DEUS Patrum nostrorum, tu es DEUS in coelo: & dominaris cunctis regnis gentium: in manu tua est fortitudo, & potentia; nec quisquam tibi potest resistere. Nonne tu DEUS noster interfecisti omnes habitatores terræ hujus coram populo tuo Israël? & dedisti eam semini Abraham amici tui in sempiternum? habitaveruntque in ea: & extruxerunt in illa sanctuarium nomini tuo dicentes; si irruerint super nos mala, gladius iudicii, pestilentia, & fames, stabimus coram domo hac, in qua invocatum est nomen tuum: & clamabimus ad te in tribulationibus nostris, & exaudies salvosque facies. Nunc igitur ecce filii Ammon & Moab nituntur ejicere nos de possessione, quam tradidisti nobis, DEUS noster; ergo non judicabis eos? In nobis quidem non est tanta fortitudo, ut possimus huic multitudini resistere, quæ irruit super nos. Sed cum
igno-

ignoremus quid agere debeamus,
hoc solum habemus residui, ut oculos
nostros dirigamus ad te.

ORATIO EZECHIÆ REGIS JUDÆ

Esaie cap. 37.

Domine exercituum DEUS Iſrâ-
él, qui sedes super Cherubim:
tu es DEUS solus omnium regno-
rum terræ: tu fecisti cœlum & ter-
ram. Inclina, Domine, aurem tu-
am: & audi: aperi, Domine, ocu-
los tuos; & vide: & audi omnia ver-
ba Sennacherib; quæ misit ad bla-
sphemandum DEUM viventem.
Domine DEUS noster, salva nos de
manu ejus: & cognoscant omnia
regna terræ, quia tu es Dominus
solus.

ORATIO MILITUM JUDÆ MACHABÆI.

1. Machab. 3.

Domine, sancta tua conculcata
sunt: & contaminata sunt: &
sacerdotes tui facti sunt in luctum
& humilitatem: & ecce nationes
convenerunt adversum nos, ut nos
disper-

disperdant : tu scis quæ cogitant
in nos. Quomodo poterimus sub-
sistere ante faciem eorum, nisi tu,
DEUS, adjuves nos.

ORATIO JUDÆ MACHABEI.

1. *Machab. 4.*

Benedictus es, Salvator Israël,
qui contrivisti impetum potentis
in manu servi tui David : & tradi-
disti castra alientigenarum in manu
Jonathæ filii Saul, & armigeri ejus :
conclude exercitum istum in manu
populi tui Israël : & confundatur in
exercitu suo, & equitibus. Da illis for-
midinem : & tabefac audaciam
virtutis eorum : & commovean-
tur contritione sua. Dejice illos
gladio diligentium te : & collau-
dent te omnes, qui noverunt no-
men tuum in hymnis.

ORATIO EJUSDEM.

2. *Machab. 15.*

Tu Domine, qui misisti Ange-
lum tuum sub Ezechia Rege Ju-
da, & interfecisti de castris Senna-
cherib centum octoginta quinque
millia :

millia: & nunc Dominator coelorum mitte Angelum tuum bonum ante nos in timore & tremore magnitudinis brachii tui, ut metuant, qui cum blasphemia veniunt adversus sanctum populum tuum.

ORATIO JUDITH.

Judith. cap. 9.

Domine, DEUS Patris mei, respice castra Assyriorum nunc, sicut castra Ægyptiorum videre dignatus es, quando post servos tuos armati currebant confidentes in quadrigis, & in multitudine bellatorum. Sed aspexisti super castra eorum, & tenebræ fatigaverunt eos. Tenuit pedes eorum abyssus: & aquæ operuerunt eos. Sic fiant & isti, Domine, qui confidunt in multitudine sua, & in curribus suis, & in contis, & in scutis, & in sagittis suis, & in lanceis gloriantur: & nesciunt; quia tu ipse es Deus noster, qui conteris bella ab initio; & Dominus nomen est tibi. Erige brachium tuum sicut ab initio: & allide

virtutem illorum in virtute tua, cadat virtus eorum in iracundia tua, qui promittunt se violare sancta; & polluere tabernaculum nominis tui; & dejicere gladio suo cornu altaris tui. Non enim in multitudine est virtus tua; Domine; neque in equorum viribus voluntas tua est: nec superbi ab initio placuerunt tibi: sed humilium & mansuetorum semper tibi placuit deprecatio. DEUS cœlorum, Creator aquarum, & Dominus totius creaturæ, exaudi me deprecantem, & de tua misericordia præsumentem. Memento, Domine, testamenti tui: ut domus tua in sanctificatione permaneat, & omnes gentes agnoscant; quia tu es DEUS, & non est alius præter te.

Orationes jaculatoriæ militares sumptæ ex Psalmis Davidicis.

VOce mea ad Dominum clavi, & exaudivit me de monte sancto suo.

Non

Non timebo millia populi circumdantis me: exurge, Domine, saluum me fac, DEUS meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus, & super populum tuum benedictio tua.

Usquequo exultabitur inimicus meus super me? respice & exaudi me, Domine DEUS meus.

Illumina oculos meos, ne unquam obdormiam in morte, ne quando dicat inimicus meus; Prævalui adversus eum.

Qui tribulant me, exultabunt si motus fuero: ego autem in misericordia tua speravi:

Exultabit cor meum in salutari tuo cantabo Domino, qui bona tribuit mihi: & psallam nomini Domini altissimi. Psal. 10.

Ego clamavi, quoniam exaudisti me DEUS: inclina aurem tuam mihi: & exaudi verba mea.

Mirifica misericordias tuas, qui salvos facis sperantes in te.

A resistantibus dexteræ tuæ custodi me, ut pupillam oculi.

Sub umbra alarum tuarum protege me à facie impiorum, qui me affligerunt.

Inimici mei animam meam circumdederunt: os eorum locutum est superbiam.

Susceperunt me sicut Leo paratus ad prædam, & sicut catulus Leonis habitans in abditis.

Psal. 17. Exurge, Domine, præveni eum: & supplantâ eum, eripe animam meam.

DEUS, qui præcinxit me virtute; qui docet manus meas ad prælium; & posuit arcum æreū brachia mea.

Et dedisti mihi protectionem salutis tuæ; & dextera tua suscepit me;

Et disciplina tua correxit me in finem; & disciplina tua ipsa me docebit.

Dilatâsti gressus meos subtus me: & non sunt infirmata vestigia mea.

Persequar inimicos meos; & comprehendam illos: & non converterar, donec deficiant.

Con-

Confringam illos; nec poterunt stare: cadent subtus pedes meos.

Es præcinxisti me virtute ad bellum: & supplantasti insurgentes in me subtus me.

Et inimicos meos dedisti mihi dorsum: & odientes me disperdidisti.

Clamaverunt, nec erat qui salvos faceret ad Dominum: nec exaudivit eos.

Et comminuam eos ut pulverem ante faciem venti; ut lutum platearum delebo eos.

Eripies me de contradictionibus populi: constitues me in caput gentium.

Populus quem non cognovi, servivit mihi: in auditu auris obediuit mihi. Vivit Dominus, & benedictus DEUS meus, & exaltetur DEUS salutis meæ. DEUS, qui das vindictas mihi, & subdis populos sub me liberator meus de inimicis meis iracundis: Et ab insurgentibus in me exaltabis me: à viro iniquo eripies me.

Pfal. 6. Propterea confitebor tibi in nationibus Domine: & nomini tuo Psalmum dicam.

Dominus illuminatio mea, & salus mea quem timebo? Dominus protector vitæ meæ à quo trepidabo? Si consistent adversum me castra; non timebit cor meum. Si exurgat adversum me prælium; in hoc ego sperabo. Quoniam abscondit me in tabernaculo suo: in die malorum protexit me in abscondito tabernaculi sui. In petra exaltavit me: & nunc exaltavit caput meum super inimicos meos. Circuivi & immolavi in tabernaculo ejus hostiam vociferationis: cantabo, & Psalmum dicam Domino. Exaudi, Domine, vocem quâ clamavi ad te: miserere mei; & exaudi me. Tibi dixit cor meum; exquisivit te facies mea: faciem tuam Domine requiram. Ne avertas faciem tuam à me: ne declines in ira à servo tuo. Adjutor meus esto, ne derelinquas me, neque despicias me, DEUS salutaris meus.

Ex.

Pfal. 27.

Exaudi, Domine, vocem deprecationis meæ, dum oro ad te: dum extollo manus meas ad templum sanctum tuum. Ne simul trahas me cum peccatoribus, & cum operantibus iniquitatem ne perdas me. Benedictus Dominus, quoniam exaudivit vocem deprecationis meæ. Dominus adjutor meus, & protector meus; & in ipso speravit cor meum: & adjutus sum, & refioruit caro mea: & ex voluntate mea confitebor ei. Dominus fortitudo plebis suæ, & protector salvationum Christi sui est: Salvum fac populum tuum, Domine; & benedic hæreditati tuæ; & rege eos; & extolle illos usque in æternum.

Psal. 32.

Dominus dissipat consilia gentium: reprobatur autem cogitationes populorum: & reprobatur consilia Principum. Consilium autem Domini in æternum manet: cogitationes cordis ejus in generatione & generationem. Beata gens; cujus est Dominus DEUS ejus: populus quem elegit in hæreditatem sibi.

Non salvatur Rex per multam virtutem: & gigas non salvabitur in multitudine virtutis tuæ. Fallax equus ad salutem: in abundantia autem virtutis suæ non salvabitur. Ecce oculi Domini super metuentes eum: & in eis qui sperant super misericordia ejus; ut eruat à morte animas eorum, & alat eos in fame. Anima nostra sustinet Dominum, quoniam adiutor & protector noster est. Quia in eo lætabitur cor nostrum: & in nomine sancto ejus speravimus. Fiat misericordia tua Domine, super nos, quemadmodum speravimus in te.

Psalm. 34.

Judica Domine nocentes me: expugna impugnantes me. Apprehende arma, & scutum: & exurge in adjutorium mihi. Effunde frameam: & conclude adversus eos, qui persequuntur me, dic animæ meæ, salus tua ego sum. Confundantur, & reveantur quærentes animam meam. Avertantur retrorsum: & confundantur cogitantes mihi mala. Fiant tanquam pul-

pulvis ante faciem venti; & Angelus Domini coarctans eos. Fiat via illorum tenebræ, & lubricum: & Angelus Domini persequens eos; Quoniam gratis absconderunt mihi interitum laquei sui: supervacue improbraverunt animam meam. Veniat illi laqueus, quem ignorat, & captio, quam abscondit, apprehendat eum; & in laqueum cadat in idipsum. Anima autem mea exultabit in Domino: & delectabitur super salutari suo. Omnia ossa mea dicent; Domine quis similis tibi? Eripiens inopem de manu fortiorum ejus; egenum & pauperem à diripientibus eum; Confitebor tibi in Ecclesia magna: in populo gravi laudabo te. Non supergaudeant mihi, qui adversantur mihi iniquè: qui oderunt me gratis; & annuunt oculis. Quoniam mihi quidem pacificè loquebantur, & in iracundia terræ loquentes dolos cogitabant. Et dilataverunt super me os suum: dixerunt; Euge euge; viderunt oculi nostri.

Vidisti Domine, ne fileas; Domine ne discedas à me. Exurge, & intende iudicio meo: DEUS meus, Dominus meus in causam meam.

Psal. 36.

Judica me secundum justitiam tuam, Domine DEUS meus; & non supergaudeant mihi. Non dicant in cordibus suis; Euge, Euge animæ nostræ: nec dicant; Devorabimus eum. Erubescant; & revereantur simul, qui gratulantur malis meis. Induantur confusione, & reverentia, qui maligna loquuntur super me. Exultent, & lætentur qui volunt justitiam meam: & dicant semper; Magnificetur Dominus, qui volunt pacem servi ejus. Et lingua mea meditabitur justitiam tuam; tota die laudem tuam.

Psal. 36.

Gladium evaginaverunt peccatores; intenderunt arcum suum: Gladius eorum intret in corda ipsorum: & arcus eorum confringatur.

Ne derelinquas me, Domine DEUS meus: ne discesseris à me.
In-

CHRISTIANUS. 171

Intende in adjutorium meum, Psal. 37.
Domine DEUS salutis meæ.

Miserere mei DEUS, quoniam Psal. 55
conculcavit me homo: tota die
impugnans tribulavit me. Concul-
caverunt me inimici mei tota die:
quoniam multi bellantes adver-
sum me.

In quacunque die invocavero te,
ecce cognovi quoniam DEUS
meus es.

In DEO speravi, non timebo
quid faciat mihi homo. In me
sunt, DEUS, vota tua quæ red-
dam laudationes tibi.

Quoniam eripuisti animam me-
am de morte, & pedes meos à la-
psu, ut placeam coram DEO in lu-
mine viventium.

Eripe me de inimicis meis DE- Psal. 58.
US meus: & ab insurgentibus in
me libera me.

Eripe me de operantibus iniqui-
tatem: & de viris sanguinum sal-
va me.

Quia ecce ceperunt animam me-
am: irruerunt in me fortes.

Exur-

Exurge in occursum meum;
Domine DEUS virtutum, DEUS
Israél.

Fortitudinem meam ad te custo-
diam; quia DEUS susceptor me-
us es, DEUS meus, misericor-
dia ejus præveniet me.

Cantabo fortitudinem tuam;
& exaltabo manè misericordiam
tuam.

Quia factus est susceptor meus,
& refugium meum in die tribula-
tionis meæ.

Adjutor meus, tibi psallam, quia
DEUS susceptor meus es: DE-
US meus misericordia mea.

Quis deducet me in Civitatem
munitam? nonne tu DEUS? da
nobis auxilium de tribulatione, quia
vana salus hominis.

Psal. 59. In DEO faciemus virtutem; &
ipse ad nihilum deducet tribulan-
tes nos.

Psal. 61. In DEO salutare meum, & glo-
ria mea: DEUS auxiliij mei, &
spes mea in DEO est.

Sperate in eo omnis congregatio
popu-

populi: effundite coram illo cor-
la vestra. DEUS adjutor noster
in eternum.

Dixi Domino; DEUS meus Psal. 119.
es tu, exaudi, Domine, vocem
deprecationis meæ.

Domine Domine virtus salutis
meæ, obumbrasti super caput me-
um in die belli.

Ne tradas me, Domine, pec-
catori: cogitaverunt contra me,
ne derelinquas me; ne fortè exal-
tentur.

DEUS auribus nostris audivi-
mus: patres nostri annuntiaverunt Psal. 43.
nobis opus, quod operatus es in
diebus eorum, & in diebus anti-
quis.

Manus tua gentes disperdidit;
& plantasti eos: afflixisti popu-
los; & expulisti eos.

Nec enim in gladio suo posse-
derunt terram; & brachium eo-
rum non salvavit eos.

Sed dextra tua, & brachium tu-
um, & illuminatio vultûs tui: quo-
niam complacuiisti in eis.

Tu

Tu es ipse Rex meus, & DEUS meus: qui mandas salutes Jacob.

In te inimicos nostros ventilabimus cornu, & in nomine tuo spernemus insurgentes in nobis.

Non enim in arcu meo sperabo: & gladius meus non salvabit me.

Salvasti enim nos de affligentibus nos: & odientes nos confundisti.

In DEO laudabimur tota die: & in nomine tuo confitebimur in seculum.

Exurge, quare obdormis Domine? exurge, & ne repellas in finem.

Quare faciem tuam avertis? oblivisceris inopiæ nostræ: & tribulationis nostræ.

Quoniam humiliata est in pulvere anima nostra: conglutinator est in terra venter noster.

Exurge, Domine, adjuva nos; & redime nos propter nomen tuum.

Ps. 47. Conturbatæ sunt gentes, & inclina-

ata sunt regna: dedit vocem
suam, & mota est terra.

Dominus virtutum nobiscum:
susceptor noster DEUS Jacob.

Venite & videte opera Domini:
quæ posuit prodigia super terram,
auferens bella usque ad finem terræ.

Arcum conteret: & confringet
arma: & scuta comburet igni.

Vacate & videte, quoniam ego
sum DEUS: exaltabor in genti-
bus; & exaltabor in terra.

Dominus virtutum nobis-
cum: susceptor noster
DEUS Jacob.



an
for

A

Lat. 30.

Lat. 30.